

Romanos

Paulo Roma macainare Jesu yainare joarocaha

¹ Yuhũ Paulo m̃sare Roma macainare joarocaja. Yuhũ jija Jesucristo cahamacũno. Tiro yuhũre beseri jire. To ya noaa buheare buhe duti warocahtiro cjihtore yuhũre cũri jire tiro.

² Tí buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu m̃htaina cjiri panopũ macainare to yahuhtire to ya pũi joa dutiha.

³ Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro.

⁴ Jesucristo mari puhtoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. ã yoaro Jesucristo potocãta Cohamacũ macũno to jiare ñori jire Cohamacũ masare.

⁵ Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire.

⁶ ã jiro m̃sa cãhũre Jesucristo yaina cjihtire beseha tiro.

⁷ M̃sare, Cohamacũ to cahĩinare, Roma macainare, to yaina cjihti yoare m̃sare tiro. M̃sare jipihtinare ahri pũre joarocaja. ã jicũ Cohamacũ mari Pũcũ, mari puhtoro Jesucristo mehne m̃sare noa dutija. Tina ti yoadohoa mehne noano jiga m̃sa.

Paulo Romapure ñno waha duaro nimaha

⁸ Ahrire yahu mahtaihtja musare: Jipihtia macari macaina Jesucristore masa wacũ tuarire masa yahuhre yuhure. Ti ã ni yahuchũ tuhocũ “Noana”, nija Cohamacure. Jesucristo to yoadohoro mehne ã nija tirore. Cohamacure sini payocũ masa ya cjihti cãhure ã sini payorucuja.

⁹ Tiro yuhure to dutichũ to macno ya buheare noaa buheare tuaro buhecũ to cahamacnnota jija yuhũ. ã jiro masa ya cjihtire Cohamacure yũ ã sini payorucuchũ tiro masina.

¹⁰ ã sini payocũ Cohamacũ cahmachũ mipũ pinihtare masa cahapũ yũ ñni wahahto cjihto cãhure sinija. Yoari pja musare ñn duacũ yũ wahahtore cohtai yoanocamaja yuhũ.

¹¹ Espíritu Santo yuhure to buheri cjrيره musare buhe turia duaja Jesure masa wacũ tua namohto cjihto sehe. ã jicũ musare tuaro ñn duaja yuhũ.

¹² Jesure wacũ tuaja mari. ã jicũ musare ñn duaja Jesure mari wacũ tuaa mehne pũ buhuseheri mari cahma wahchechũ yoahito cjihto sehe.

¹³ Yũ coyeya, ahrire masa masichũ cahmaja. Noaa buheare yũ buheri baharo paye macari macaina masa coyeya judio masa jieraina cãhũ Jesure wacũ tuare. ã jicũ payũ tahari masa cahapũ waha duamaha tina, Jesure ti wacũ tuariro seheta masa mehne macaina cãhũ ti wacũ tuahto cjihto sehe. ã waha duapaihta waha masiera tihũ yuhũ.

¹⁴ Jipihtinare noaa buheare buhero jiro nina yuhure. Buheinare, buhemahnoeraina cãhure, masiinare, masieraina cãhure buhehtiro cjihto jii nija yuhũ.

15 ã jiro jic_u m_usare Roma macainare noaa buheare tuaro buhe duaja.

Noa buheare masa t_uhoa Jesure wac_u tua d_ucara

16 Noaa buheare t_uhoa Jesure wac_u tua d_ucara masa. ã jiro jipihtinare Jesure wac_u tuainare Cohamac_u to tuaa mehne pichacap_u wahaborinare y_uhdora. Ti ã y_uhd_uch_u masic_u ahri buheare noaa buheare b_uo tiro marieno yahuja. Ahri buheare judio masa t_uho m_uhtari jire. Ti baharo, judio masa jieraina c_uh_u t_uho turiari jire.

17 Ahri buhea õ sehe ni yahura: Jesure wac_u tuainare “Ñaa buhiri marieina, noaina jira”, ni ñ_una Cohamac_u. Tirore wac_u tuaina dihtare ã ni ñ_una Cohamac_u. Ahri panop_u ti ni joariro seheta jira: “ ‘Noaina jira’, to ni ñ_uina Cohamac_ure wac_u tuaina dihta jira. ã wac_u tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

18 Cohamac_u m_uanop_u jirirore masa ti y_uhd_ur_ucarire, ti ñaa yoari c_uh_ure ñ_uno, ti ã yoari buhiri tina mehne suara. Tó sehe jiina barore to buhiri dahrehtore masich_u yoara tiro. Masa ti ñaa yoaa mehne painare noaa buheare t_uhoerach_u yoara tina sehe.

19 Cohamac_u to basi to jia tiare masich_u yoaha. To ã yoach_u Cohamac_ure masich_u mijoerara masare.

20 Cohamac_ure mari ñ_uerapach_uta m_uano macariro to jia tiare, tuariro to jia c_uh_ure to basi masich_u yoara tiro. Ahri yahpare to bajuamehneri baharo jipihtia to bajuamehnerire

ñua “Cohamacu to yoari cjiri jira ahri” nia, Cohamacu to jia tiare masina masa. ã jia masa Cohamacure masipahta ã ñaare yoarucua, buhiri tira. “Muhure masierahi. ã jicu ñaare yoahi”, ni masisi Cohamacure.

²¹ ã jia Cohamacu to jia tiare masipahta tina tirore ño payoerara. ã jia tiro tinare to noano yoapachata tina sehe “Noana”, nierara tirore. ã tuho masieraina jia, wiho jia macaare, ñaa dihtare tuhoturucuina baro jira tina.

²² “Tuho masiina jija”, nipahta tuho masieraina wahara tina.

²³ ã wahaa Cohamacure ã jirucurore tina ño payoerara. ã ño payoeraa, ti ño payoboriro sehere cohtota, wiho jia masuri sehere “Cohamacu jira”, ti nia masuri sehere ño payora. Wiho jia masuri sehere yariahtina masa masurine, ã yoa minichahca masurine, chihchõina masurine, wahiquina masuri cuhure “Cohamacu jira”, ni ño payora tina.

²⁴ Ti ã yoachu ñuno “Ti mu suro ñaare goa pja, yoawahnojaro”, nino Cohamacu cohãnocare tinare. To ã cohãri baharo tina ñabiaro, pjíro buoro wahachu yoare cahma yoarucura ti basi.

²⁵ ã jia Cohamacu ya sehere cahmaeraa, mahñoa sehere noano tuhora tina. Cohamacu ya sehere mahñoa yoaro sehe jichu yoara tina. Potocãta Cohamacu warore jipihtiare bajuamehnerirore jipihtia dachoripe noano ño payoro cahmana. Wiho mejeta tina sehe tirore ño payoerara. ã tirore ño payoeraa, Cohamacu to bajuamehneri cjiri, wiho jia sehere ño payora

tina.

²⁶ Ti ã ño payochu ñano “Ti mu saro goa pja, yoawahnojaro”, nino Cohamacu cohãnocare tinare. ã jia tina numia mua mehne manu tiboina cohtota, ti basi numia dihta ñano yoara ti pjacuri mehne.

²⁷ Ti yoaro seheta jiina mua cûhu numia mehne namo tiboina jipahta, tíre cohtota, mua ti basita ti pjacuri mehne ñabiaro yoara. ã yoaa, ti basita ti ñano yoari buhiri ti pjacuri sehe ñano yãhdura.

²⁸ ã Cohamacure ti cahmaerari buhiri Cohamacu tinare cohãre. To ã cohãchu tina sehe ñano wacûrucu, ñano yoarucura.

²⁹ ã jia tina tuaro ñano yoarucura. Numia mehne ñano yoarucuina, mua mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cjuachu ñua goa pjaina, masare wajãina, cahma sayoina, mahñoina, masare ñu tuhtiina, ñaa quitu dahreina,

³⁰ paina ti yoaerapachuta ñano ni yahuwajaina, Cohamacure ñu tuhtiina, painare purino yãhtiina, “Sã sehe masi yãhdurucu sãja”, ni tuhotuina, painare ã ni yahuina, paye ñaare yoa ducaina, ti pucsumare yãhtieraina,

³¹ tuho masieraina, ti nino seheta yoaeraina, masare ne cahieraina, ti basi cahma susini duhueraina, ne pja ñueraina jira tina.

³² ã ñano yoarucuinare Cohamacu pichacapu cohãnohca. To ã cohãhtire masipahta tina tí ñaare ã yoarucura. ã jia paina tinare ñu cû ti yoaro seheta ñano ti yoachu ñua, “Mari yoaro seheta ñano yoara”, ni wahchera tina.

2

Masare buhiri dahre dutiro tíre quihõno yoarohca Cohamacu

¹ “Tina ñabiaina jira”, ni yahuwajaena tjiga painare. MUSA cūhu ti yoaro sehetā yoara. “Ñāare yoeraja sã. Ñ jina buhiri maeraja”, ni masierara mUSA. MUSA yahu wajaina yoaro sehetā ñāare yoana, mUSA cūhu mUSA basita buhiri dahre dutina nica.

² Tó sehe yoainare Cohamacu to buhiri dahrechū potocāta quihõno to buhiri dahrechū masija mari.

³ Painare “Buhiri tiaha”, ni yahu waja ti yoaro sehetā mUSA yoachū, mUSA cūhure buhiri dahrerohca. Ñ jina “Sāre buhiri dahresi”, ni tūhotuboca mUSA. Jierara. MUSA cūhure buhiri dahrerohca tiro.

⁴ MUSA ñano yoapachūta Cohamacu mūsare pja ñūno, dói waro buhiri dahrerara. Ñ jina “Cohamacu yūhu mehne suasi”, ni tūhotuboca mUSA. Jierara. Cohamacu mūsare pja ñūno, dói waro buhiri dahrerara mUSA ñaa buhiri tiare cahyachū ñū duaro, tirore mUSA yūhtichū cahmano.

⁵ Ñ buhiri dahre duaeraparota, mUSA Cohamacure yūhti duaerachū, mUSA ñaa buhiri tiare mUSA cahyaerachū, buhiri dahrerohca mūsare. Tó pano mūsare to buhiri dahreboriro yūhdoro tí to buhiri dahrehti dacho waropure ñano, tuaro waro mūsare buhiri dahrerohca Cohamacu. Quihõno buhiri dahrerohca.

⁶ Cāinare ti yoa wapataro sehetā yoarohca Cohamacu.

⁷ Cãina noaare yoarucuina jira. Tina Cohamacure noano wahchech_u yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuch_u yoarohca Cohamacu.

⁸ Wiho mejeta paina sehe tina yoaro sehe jierara. Tina ti m_u s_uro jia ti, ñaare goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca.

⁹ Jipihtina ñano yoaina ñano y_uhd_uahca. Judio masare ãta waha m_uhtanohca. Tuhs_u, judio masa jieraina c_uh_ure ãta waharohca.

¹⁰ Jipihtina noaare yoaina sehere Cohamacu “Noana”, ninohca. ã jia masa tinare ño payoahca. ã jiro tinare noano jich_u yoarohca Cohamacu. Judio masare ãta waha m_uhtanohca. Tuhs_u, judio masa jieraina c_uh_ure ãta waharohca.

¹¹ Cohamacu judio masare, ã jich_u judio masa jieraina c_uh_ure jipihtinare cãno sehe ñ_una. Mari yoarire ñ_uno, quihõno besera jipihtinare, ñaina, noaina c_uh_ure.

¹² Paina Cohamacu Moise cjirore to dutia cjirire masieraina sehe buhiri tiare ti yoach_u, to dutiare ti masierapach_uta tinare buhiri dahrerohca Cohamacu. ã yoa tí dutiare masiina c_uh_ure buhiri tiare ti yoach_u, tí dutiare ti y_uhd_urcari buhiri buhiri dahrerohca Cohamacu.

¹³ Cohamacu dutiare t_uh_uopahta y_uhtierainare “Buhiri marieina, noaina jira ahrina”, ni ñ_uerara Cohamacu. To dutiare yoaina sehere “Noaina jira”, ni ñ_una tinare Cohamacu.

¹⁴ Judio masa jieraina Cohamacu Moise cjirore to c_uri dutia maerapahta, ti m_u s_uro noaare yoaa,

Cohamacu dutiare yoaa nina. ã yoaa Moise cjirore to dutiare joari pũre cjuera pahta tina ti mæ saro to dutiare masina.

¹⁵ ã jia to dutiare ti tũhotuapũ potocãta cjuara tina. ã cjuaa ñaare yoaa dóicãta ti ñaa yoarire masina tina. ã jiro ñaare yoiaro “¿Dohse jiro baro ñaare yoiari yũhũ?” ni tũhotura tiro. ã jiro noaare to basi to yoiari cũhũre masina tiro.

¹⁶ ã jiro Cohamacu Jesucristore to warocahti dachoi masa ti yoarire ti yahu duaerarire Jesucristo masi pahõono, tiro tinare beserohca noaina, ñaina cũhũre. Tó sehe yoiarohca tiro noaa buhea to nino sehetã. Ahrita jira masare yũ buhea.

Cohamacu Moise cjirore to dutirire yahuha Paulo

¹⁷ Mæsa sehe judio masa jina, Cohamacu Moise cjirore to dutiare ño payoina jina, “Cohamacu to yaina jija”, ni tũhotumana mæsa.

¹⁸ ã jina Cohamacu dutiare masiina jina, to cahmaare masina mæsa. ã masiina jina, “Noaare sã yoahtore bese masija sã”, ni tũhotumana mæsa.

¹⁹ ã ni tũhotuna õ sehe ni tũhotu namona mæsa: “Painare ne masierainare noano masichũ yoaja sã. Tinare sã buherachũ ne Cohamacũre masieraboa tina. ã jia ñaare duhueraboa”, ni tũhotumana mæsa.

²⁰ ã jina “Tũho masierainare noaare yoa dutiina, macanacã cũhũre buheina jija sã”, ni tũhotumana mæsa. ã jina “Cohamacu dutiare cjuana, potocã jiare masi pahõoja sã”, ni tũhotumana mæsa.

21 ¿Ã jina painare buheina jipanahta, dohse yoana m̄sa sehe m̄sa buheriro sehe yoerajari? ¿Painare yaca dutieraina jipanahta dohseana m̄sa sehe yacajari?

22 ¿Pairo namono mehne ñano yoa dutieraina jipanahta dohseana m̄sa sehe paio namono mehne ñano yoajari? “Cohamac̄ jira”, ti nia masurine ñ̄ yabiina jira m̄sa. ¿Ã ñ̄ yabiina jipanahta dohseana tí masurine ti ño payoa w̄h̄sep̄ s̄a yacajari m̄sa?

23 “Cohamac̄ Moise cjirore to dutiare c̄aja s̄a”, niina jipanahta to dutiare ȳhd̄rc̄a m̄sa. Ã ȳhd̄rc̄a Cohamac̄re ño payoerach̄ yoana nica m̄sa painare.

24 Ãta nina Cohamac̄ yare ti joari p̄i: “Cohamac̄ dutiare m̄sa ȳhd̄rc̄a buhiri judio masa jieraina sehere Cohamac̄re ti ñano durucuch̄ yoara m̄sa judio masa”, ni joa tiha Cohamac̄ yare ti joari p̄i.

25 “Cohamac̄ yaina jija”, ni t̄hotura c̄aina judio masa mahanoc̄a cahsaroc̄are yihsoina. Cohamac̄ yare ti yoach̄ judio masa ti jich̄ noa nina. To yare ti yoerach̄ judio masa ti jia tia yaba cjihti jierara. Yihsoina ti jia tia c̄h̄ yaba cjihti jierara.

26 Ã jiro judio masa jieraina mahanoc̄a cahsaroc̄are yihsoeraina ti jipach̄ta, Cohamac̄ dutiare ti yoach̄ ñ̄no “Ȳ yaina masata jira”, ni ñ̄na Cohamac̄ tinare. Judio masa sehere to ã ni ñ̄boriro seheta judio masa jieraina sehere ã ni ñ̄na.

27 Paȳ judio masa Cohamac̄ Moise cjirore to dutiare c̄apahta tíre yoerara tina. Ã jia paina

judio masa jieraina sehe mahanocã cahsarocãre yihsoeraina jipahta to dutiare yoara. ã yoaina jia judio masa ti ñano yoarire masichu yoaa nina.

²⁸ Mipure judio masuno waro to jiare yahuihtja musare. To pjacure mahanocã cahsarocãre yihsoero jiparota Cohamacure ño payoeraro potocãta judio masuno waro jierara.

²⁹ Cohamacu yairo Espiriture cjuariro tirore yuhtiriro tiro tjira judio masuno waro. ã yoa to pjacure mahanocã cahsarocãre to yihso cohãriro seheta to ñaa yoaare duhura tiro. To mu suro dutiare yoariro jieraparota Espiritu Santo to yoadohoa mehne to ñaa yoaare duhura. Tó sehe yoarirore “Noariro jira”, ni ñuna Cohamacu sehe. Masa sehe tirore ti ã nierapachuta, ã nina Cohamacu sehe.

3

¹ ¿Yu ã nichu judio masa ti jia tia wiho waro jijari, musa tuhotuchu? Ne wiho waro jia nierara. ¿Cohamacu judio masare to dutiriro seheta ti pjacurire mahanocã cahsarocãre ti yihso cohãa wiho waro jijari, musa tuhotuchu? Ne wiho waro jia nierara.

² Judio masa ti jia tia wiho waro jierara. Cohamacu yare ti joari püre judio masare cū mhtaha. ã jia judio masa ti jichu noa nina tinare.

³ ã jia cãina judio masa Cohamacure ti tuhoerapachuta to niri cjiri potocãta jira. ã jiro to ni cūriro seheta yoarohca tiro.

⁴ ãta jira. Jipihtina masa mahñoina ti jipachuta Cohamacu sehe ne mahñoerara. Panopu to yare

yahu mahtariro cjiro to ni joariro seheta ne mahñoerara Cohamacu. Õ sehe ni joaa tiha:

“Potocã niriro jira muhu Cohamacu.

Muhure ã jia masa ‘Cohamacu quihõno yoaerara’,
ni masierara muhure”,

ni joaa tiha panopu.

⁵ Õ sehe ni tãhotuboca masa: “Mari ñaare yoana Cohamacu noaare to yoariro jichu masichu yoaja. ã jiro ñaare mari yoachu noa nina. ¿To ã noaa jipachuta dohsearo tiro mari ñaare yoari buhiri buhiri dahremacanocajari?” ni tãhotuboca masa. Masa ti tãhotuboriro seheta ã nii nija.

⁶ Tó jierara ti ã ni tãhotuchu. Mari ñaa yoari sehe noaa jichu Cohamacu mari ñaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñoerara. ã jina masa ti mahñoichu ñana Cohamacu sehe ne mahñoerariro to jichu noano ñu masija mari. ã jia masa mahñoa, Cohamacu to mahñoerariro to jiare ñoa niboca tina. ãta ni tãhotumana cãina. ã ni tãhotua õ sehe ni tãhotu namomana tina: “Sã mahñoa mehne Cohamacu to mahñoerariro jiare ñona nija. ã ñona noano yoana nija. ã jia sã mahñoa noa nina. ¿Sã mahñoa noaa nichu dohse jiro baro sã mahñori buhiri sãre buhiri dahremacanocabocari Cohamacu?” ni tãhotumana cãina masa.

⁸ ã jia õ sehe ni mahñoa cãina sãre: “ Ñano yoana Cohamacu to noariro jichu ñona nica. ã jina ñano yoajihna’, nihre Paulo cãhu”, ni mahño yahusãna sãre cãina. Ti ã niri buhiri tinare Cohamacu buhiri dahrerohca. ãta yoaro cahmana

tinare.

Jipihtina buhiri tiina jija mari

⁹ ¿Ã yoa dohse ni tãhotujari masa? ¿Mari judio masa paina yãhdoro noaina jijari mari? Jieraja mari. Judio masa, judio masa jieraina cãhã ñaa buhiri tia cãaina dihta jija mari. Ã jina jipihtina buhiri tiina jija mari. Ãta jira. Jipihtinare yã buheriro seheta jira.

¹⁰ Panopã to ni joariro seheta jira ahri: Õ sehe ni joaa tiha:

“Ne cãiro masãno noariro mariahna, Cohamacã to ñãchã.

¹¹ Jipihtina masa tãho ñahaeraina dihta jira.

Tuhsã, jipihtina masa ne Cohamacãre macaeraina jia, tirore wacũ payoerara.

¹² Tina Cohamacã yare cohãa jipihtina ñaare yoaina wahare.

Ne cãiro noaare yoariro pinihta mariahna.

¹³ Ti dãseri masa copari ti pjõo dapori yoaro sehe jira.

Ti durucuchã, masa copari ãrãa wijaaro sehe mahãoa dihta ti dãserire wijaara.

Ã durucua agã dãseroi to ñima purãa wijaaro seheta purãno ti durucua wijaara ti dãserire.

¹⁴ Tina painare ñano durucuina, purãno durucuina jira.

¹⁵ Ã jia sua ñaina dóicãta masare wajãina jira.

¹⁶ Nohoi ti waharoi tina masare ñano yoa, ñano yãhdãchã yoara tinare.

¹⁷ Tó sehe jia paina masa mehne tina noano jierara.

¹⁸ Ã yoa Cohamacãre ne ño payoerara”,

ni joaa tiha panopure.

19-20 Cohamacu jipihtiare to joa na dutiri cjirire sare judio masare cuha. A jiro to sehe to ni joariro cjiro mari cuhare dutisinina. “Buhiri mariahna sare”, ni masieraja mari. A jina mari jipihtiro macaina judio masa, a jichu judio masa jieraina cuhu to buhiri dahrehtina mari jia tiare masija mari. A jina buhiri tiina mari jiare masina, “Noaina jija sa”, ni masieraja Cohamacure. Cohamacu to yoa dutia sehere ne mari yoeraja. A jiro to dutia sehe buhiri tiina mari jia tiare masichu yoara marine. A masina, o sehe ni masieraja mari: “Cohamacu dutiare yoa pahnohi. A jiro Cohamacu marine ‘Noaina jira’, ni nuha”, ne ni masieraja mari jipihtiro macaina.

Cohamacure noano mari wacu tuana to yaina wahaja mari

21 Wiho mejeta mipure Moise cjirore to dutiri cjirire yoa pahnoho marieno masare ti nuha buhirire to cohare masichu yoara marine Cohamacu. Moise cjiro to joari cjiri mehne, Cohamacu yare yahu mhtaina cjiri ti joari cjiri mehne yahu cu mhta tuhsaha ahrire.

22 Jipihina Jesucristore wacu tuainare, tirore tuhoinare “Noaina jira”, ni nuha Cohamacu. To sehe cano potori nuha tiro jipihina dohse jina Jesucristore wacu tuainare.

23 Mari jipihina naare yoaina buhiri tiina dihta jija. A jina Cohamacu to cahmano sehe mari jiboriro dahsa yuhdara.

24 Mari ã jiina jipachuta Cohamacu marine pja ñuna. Ñ jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñuna Cohamacu marine.

25 Panopu macaina cjiri buhiri tiina ti jipachuta Cohamacu dóicãta buhiri dahreraha tinare. Ñ buhiri dahreraro ti buhiri tiare wiho waro ã tãhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha.

26 Ñ yoa mipu cãhure quihõno yoariro to jia tiare masa ti masichu cahmana tiro. Quihõno yoariro jira tiro. Ñ jiro Jesure warocari jire masa ti ñaa buhiri yariahtiro cjihtore. Ñ jiro Jesure wacũ tuainare, “Buhiri marieina, noaina jira”, ni ñuno, quihõno yoaro nica.

27 ¿Mipure “Noaina jija mari”, ni masicari mari masa tãhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cãhure ni masieraja mari. Mari ã ni masierapachuta Jesure mari wacũ tuachu “Noaina jira”, ni ñunohca marine Cohamacu.

28 Ñ sehe masija mari: Jesure mari wacũ tuachu ñuno marine ñu jicoara Cohamacu. Ñ jiro marine “Buhiri marieina, noaina jira”, ni ñuna tiro. To dutiare mari yoari wapa ã ni ñuerara. Tirore mari wacũ tuachu ã ni ñuna.

29 Tuhsu, Cohamacu judio masa puhtoro dihta jierara. Judio masa jieraina puhtoro cãhu jira tiro.

30 ã jiro Cohamacu cãirota jiro jiro, jipihtina bui puhtoro jira. ã jiro jiro judio masare, ã jichu judio masa jieraina cãhare Jesure ti wacũ tuachu, tinare cãno potori “Buhiri marieina, noaina jira”, ni ñnohca Cohamacu.

31 ¿ã jina Jesure wacũ tuana Cohamacu Moise cjirore to dutiare cohãna nibocari mari? Cohãeraja mari tíre. Jesure wacũ tuaina jina, Cohamacu dutiare yoa pahõna nija mari.

4

Abrahã Cohamacure to wacũ tuarire yahuha Paulo

1 Mari ñuchu cjiro panopu macariro Abrahã cjirore Cohamacu õ sehe yoaha:

2 Abrahã cjiro noaare to yoapachuta “Noariro jira”, ni ñeraha Cohamacu tirore. ã jiro noaare yoaparota ñariro jisninino “Yuhu pini noariro jija”, ni masieraha Abrahã, Cohamacu to ñuchu.

3 Cohamacu yare ti joari pũ õ sehe nina: “Abrahã Cohamacu to nirire to quihõno tãho ñaha, tirore to wacũ tuachu ñno Cohamacu tirore ‘Potocãta noariro jira’, ni ñuha”, ni yahura Cohamacu yare ti joari pũ.

4 Puhtoro dahrainare waparo, wiho waro to pja ñna mehne waparo nierara. Ti dahrari wapa tinare waparo nina.

5 Wiho mejeta Cohamacure wacũ tuainare dahrainare ti waparo sehe yoerara Cohamacu. Cohamacure wacũ tuarirore “Noariro jira”, ni ñna Cohamacu. To ã ni ñuchu tí noaa to

yoari wapa jierara. Cohamacu sehe tirore cahmaeraina cjiire tirore ti cahmachu ñno buhiri marieina, noaina wahachu yoara. Ñ jiro masno Cohamacure to wacu tuachu ñno “Noariro jira”, ni ñna Cohamacu tirore.

⁶ Ñta niha panopu macariro Davi cjiro. Masno noaare to yoapachuta Cohamacu tirore “Noariro jira”, ni ñeraca. Tirore to wacu tuachu ñno pini Cohamacu tirore “Noariro jira”, ni ñna. Cohamacu to ñ ni ñariro wahcheare yahuha Davi cjiro. Ñ sehe niha:

⁷ “Cohamacu ti ñaa yoarire to cohachu masiina sehe tuaro wahchera.

⁸ ‘Noaina jira. Msa buhiri tiare wacusi yhu’, to nichu thoina tuaro wahchera”, niha Davi cjiro.

⁹ ¿Judio masa ti pjacure mahanocã cahsarocãre yihsorina dihtare ti ñaa yoarire boari Cohamacu? Jierara. Judio masa jieraina yihsoeraina cãhure ti ñaa yoarire bora tiro. Pari turi Abrahãre wacuga msa. Tiro Cohamacure to wacu tuachu ñno “Noariro jira”, ni ñna Cohamacu.

¹⁰ ¿Dohse jichu ñ yoari Abrahã, msa thotuchu? To pjacure mahanocã cahsarocãre to yihsohto panoputa tirore “Noariro jira”, ni ñna Cohamacu. Ñ jiro yihso, to ñaa yoarire cohã tuhsriropu yihsoha.

¹¹ Ñ jiro dóhta Cohamacure wacu tua mhtaha Abrahã. To ñ wacu tuachu ñno “Noariro jira”, ni ñna Cohamacu tirore. Ñ to wacu tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha.

Ã jiro Abrahã to yihsohto pano Cohamacu sehe “Noariro jira”, ni ñu tuhsuha tire. Tiro to yihsohto pano to ã ni ñuriro seheta jipihtina Cohamacure wacũ tuainare judio masa jieraina yihsoerainare “Noaina jira”, ni ñuna Cohamacu. To ã ni ñuina ti jichu Abrahã ti ñuchuno cjiro waro yoaro sehe wahara.

¹² Tí yoaro seheta masa, yihsoina Cohamacure ti wacũ tuachu ti ñuchuno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro seheta wacũ tuaina judio masa Abrahã panamana ji turiaina jira.

Cohamacu Abrahãre to ni cõrre “Potocã tjira”, niha Abrahã

¹³ Panopu õ sehe niha Cohamacu Abrahãre: “Ahri yahpare muhure, mu panamana ji turianapu cõhure waittja”, ni yahu cõha Cohamacu Abrahãre. To dutiare to noano yoari wapa ã nieraha Cohamacu tire. Abrahã Cohamacure to wacũ tuari wapa sehere ã niha Cohamacu tire, “Noariro jira”, tire to ni ñuri baharo.

¹⁴ “Cohamacu Moise cjirore to cõri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihitire na duara. Wacũ tuaro marieno ti nachu mari sehe Cohamacure mari wacũ tuaa yaba cjihti jieraboa. ã jiro Cohamacu marine to ni cõri cjiri yaba cjihti jieraboa.

¹⁵ Moise cjirore to cõri dutia sehere yoerara masa. ã jiro to dutiare ti yuhdurucari buhiri masare buhiri dahrerohca Cohamacu. Wiho mejeta to dutia mariachu to dutiare yuhdurucaro cõhu mariaboa.

16 Ñ yoa Cohamacure wacũ tuaina dihta to wahrenaahca. Abrahã cjiro Cohamacure wacũ tuaha. Ñ jiro jipihtina tiro yoaro sehe Cohamacure wacũ tuaina ti ñuchuno waro yoaro sehe tjuara Abrahã cjiro. Ñ jiro “Ahrire m̄sare waihtja”, Cohamacu nino jipihtinare tirore wacũ tuaina pinihtare nino niha. Ñ jia Cohamacu Moise cjirore to dutiri cjirire yoaina Cohamacure wacũ tuaina Cohamacu to wahrenaahca. Tina dihta nasi. Jipihtina Abrahã cjiro yoaro sehe Cohamacure wacũ tuaina cũh tinare to wahrenaahca.

17 Tíre Abrahã cjirore to niriro seheta joaa tiha panopure: “ ‘Payu macari macaina ti ñuchuno cjihto cũhi m̄hure’, ni cũa tiha Cohamacu Abrahã cjirore”, ni joaa tiha panopu. Ñ jiro tiro Cohamacure wacũ tuaa tiha. Ñ to wacũ tuachu mari ñuchu cjiro yoaa tiha Cohamacu tiro cjirore. Cohamacu sehe yariainare masoriro, jipihtinare, jipihitia cũhure bajuamehneriro jira.

18 “Payu yahpari macaina mu panamana ji turina jiaha”, Cohamacu to ã ni cũchu Abrahã cjiro sehe pohna marieriro jiparota, “Potocãta jira”, ni t̄hotua tiha. Ñ ni t̄hoturo payu yahpari macaina mari ñuchu cjiro yoaro sehe wahaha tiro Cohamacu tirore to ni cũriro seheta.

19 Ñ jiro cien c̄hmari cjuariro jiparota “Bucuro waro jija”, ni t̄hotuparota, Sara to namono ne pohna marienicoro to jipachata “Pohna ti masieraja sã”, ni t̄hotueraa tiha Abrahã cjiro. Ñ jiro Cohamacu to ni cũrire “Potocãta jira”, nia tiha Abrahã cjiro.

20 “To niriro seheta yoeraboca”, ne ni

tuhotueraa tiha Abrahã cjiro. ã jiro tiro Cohamacu to ni cõrre noano tãhoa tiha. To ã niare tãhotjiãhno “Cohamacu tuariro jira”, ni ño payoro nia tiha. ã jiro Cohamacure wacũ tua namoa tiha tiro.

²¹ “Cohamacu to niriro seheta noano bihorohca”, ni tãhotu noano masia tiha Abrahã cjiro.

²² To ã masichu Cohamacure to wacũ tuachu Cohamacu sehe “Noariro jira”, ni ñua tiha Abrahã cjirore. ãta ni joaa tiha Cohamacu yare ti joari pũi.

²³ ã yoa Abrahã cjiro dihtare ã ni joaeraa tiha.

²⁴ Tãre mari masihtu cjihtire mari cõhure ã ni joaa tiha. ã jiro Cohamacure mari wacũ tuachu “Noaina jira”, ni ñnohca mari cõhure Cohamacu. Tiro pini mari pãhtoro Jesu to yariachu masori jire tirore.

²⁵ Jesu sehe mari ñaa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñhto cjihtore.

5

“Noaina jira”, Cohamacu to ni ñhchu õ sehe waharohca marine

¹ Jesucristore mari wacũ tuachu ñno “Buhiri marieina, noina jira”, ni ñna marine Cohamacu. To ã ni ñhchu Cohamacu mehne macaina marine jichu yoara mari pãhtoro Jesucristo.

² ã jina mari tirore wacũ tuachu ñno Cohamacu marine cahõno, pichacapu wahaborinare yãhdore tiro mehne mari jihto sehe. Cohamacu pinihta noa yãhduriro jira. ã jiro tiro yoaro seheta jiina wahachu yoarohca marine tiro. To ã yoahiti cjihtire noano masi, wahcheja.

³ Ñ yoa ñano yũhdũna cũhũ wahcheja mari. Ñano yũhdũna, tíre cãno pja masija mari. Ñ cãno pjana, ñano yũhdũpanahta noano Cohamacũre wacũ tuaina waha namoja mari. Ñ jina Cohamacũ yare duhueraja mari.

⁴ Mari ã yoachũ ñũno “Noana”, ni ñũnohca Cohamacũ marine. Ñ jina marine to yũhdohtore noano masi, wacũ cohtana nija mari.

⁵ Ne wiho waro wacũ cohtana nieraja. Cohamacũ marine to Espíritu Santore warocare mari mehne jihtirore. Ñ jiro Espíritu Santo sehe mari mehne jiro Cohamacũ marine to ã cahĩrucuare masichũ yoara. To ã masichũ yoachũ marine to yũhdohto noano waro jiro nina. Potocãta yũhdũnahca mari.

⁶ Tó pano mari ñaa yoarire mari basi mari yũhdũ masierachũ ñũno, to quihõriro mũ sũchũ, Cohamacũre cahmaeraina mari jipachũta, Cristo sehe mari ñaa buhirire yariabasaha.

⁷ Cũiro masũno noariro jiparota yariahtiro to jichũ pairo sehe to yariaborirore cohtota, to yariabasa duachũ mijo yũhdũara. Noaa dihtare yoariro yaro jiborirore pairo yariabasaboca pa tehe nino.

⁸ Wiho mejeta Cohamacũ sehe õ sehe yoara. Buhiri tiina mari jisipachũta mari yaro jiborirore Cristo yariaha. To ã yoachũ Cohamacũ marine to tuaro cahĩare masija mari.

⁹ Mari yaro jiborirore to ñano di wijaa, yariachũ Cohamacũ sehe marine “Buhiri marieina, noaina jira”, ni ñũna. To ã ni ñũri baharo mipũ pinihtare marine pichacapũ wahaborinare

yǎhdorohca Jesu. Marine to yaina wahachǎ to yoari baharo marine buhiri dahresi pichacarpǎ Cohamacǎ.

¹⁰ Cohamacǎre ñǎ tuhtiina mari jipachǎta, to macǎno sehe yariaro, mari ñaa buhiri tiare cohǎno, Cohamacǎre mari ñǎ tuhtirire duhuchǎ yoare. To ǎ yoaro mehne Cohamacǎ mari buhiri tiare bora. Tuhsǎ marine to yaina wahachǎ yoara. Mipǎ pinihtare tí yǎhdo curero yoarohca marine. To yaina mari jichǎ Jesu to masa mǎjari mehne marine pichacarpǎ wahaborinare noano yǎhdorohca tiro.

¹¹ ǎ jina baharopǎ mari yǎhdǎhtore masina wahcheja mari. Mipǎre ahri cǎhǎre wahcheja. Mari pǎhtoro Jesucristo mari ñaa yoari buhirire to yariari baharo Cohamacǎ yaina jija mari. ǎ jina wahcheja.

Adǎore, Cristore yahuha Paulo Roma macainare

¹² Adǎo cjiro Cohamacǎre to yǎhdǎrǎcari baharo ahri yahpare ñaa buhiri tia ji dǎcaha. Ñaa buhiri tia ji dǎcaro mehne masa yaria dǎcaha. Jipihtina mari ñaare buhiri tiare yoaja. ǎ jina jipihtina ñaina mari jiri buhiri yariaja.

¹³ Cohamacǎ to dutiare Moise cjirore to cǎhto pano potocǎta ahri yahpa macaina ñaa buhiri tiare yoaa tiha. Tí ǎ yoapachǎta to dutia mariachǎ to dutiare ti yǎhdǎrǎcari buhiri buhiri dahre masieraha.

¹⁴ To ǎ buhiri dahre masierapachǎta Adǎo cjiro cǎhǎ to baharo jiina cǎhǎ tí dutia mariasini-pachǎta yariaa tiha. Moise cjiro to jihto pano tí dutia mariasinipachǎta masa yariaa tiha. Paina ñano

yoaa Adão cjiro ñano to yoariro sehe waro yoaera timaha. ã jipahta tina cūh_u yariaa tiha. ã jiro Adão cjiro ñaare to yoa d_ucariro seheta yoari pja baharop_u ahri yahpap_u tariro noaare yoa d_ucari jire.

¹⁵ Adão cjiro to y_uhd_ur_ucari Cohamac_u masare to pja ñ_ua yoaro sehe jierara. Cohamac_u to pja ñ_ua sehe noa y_uhd_uara. Adão cjiro c_uirota jiparota ñaare to yoa d_ucari buhiri pay_u masa yariaa tiha. Cohamac_u sehe marine pja ñ_uno, Jesucristore warocari jire. To ã warocach_u tiro c_uirota jiriro pichacap_u wahaborinare masare pay_u y_uhdora.

¹⁶ ã jiro Cohamac_u masare to pja ñ_ua Adão cjiro to y_uhd_ur_ucari yoaro seheta jierara. Adão cjiro sehe c_uirota jiriro ñaare to yoari buhiri jipihtina masa ñ_uaa buhiri tiina jira. ã ti buhiri tiina jipach_uta masa p_uj_uro ti ñaare yoapach_uta mip_ure masare pja ñ_uno Cohamac_u ti ñaare bora. ã boro “Noaina jira”, ni ñ_una tiro tinare.

¹⁷ Adão cjiro c_uirota jiriro ñaare to yoa d_ucach_u jipihtina masa yariarucura. Tí potocã tjira. To ã jipach_uta ahri sehere wahchenahca mari. Mip_ure Cohamac_u masare pja ñ_uno Jesucristo c_uirota jiriro to yariaro mehne ti ñaare boro, tinare “Noaina jira”, ni ñ_una. ã jia jipihtina to ã ni ñ_uina m_uanop_u Cristo mehne p_uh_utoa jahca.

¹⁸ Adão cjiro c_uirota to jipach_uta to y_uhd_ur_ucari buhiri jipihtinap_u buhiri tiina waha d_ucaha. ã jia Cohamac_u to buhiri dahrehtinap_u tjuaha tina. Tó yoaro seheta Jesu cūh_u c_uirota jiparota noano yoaro jipihtina ti buhiri tiare cohã masina. Ti buhiri tiare to cohãch_u, “Buhiri marieina, noaina

jira”, ni ñna tinare Cohamacu. Ñ jia to ya catiare cjuaa, ñ catirucuahca tina.

¹⁹ Adão cjiro cãirota Cohamacure yuhdurucaha. To ã yuhdurucachu, payu masa ñaa buhiri tiina wahaha. Tó yoaro seheta Jesu cãhu cãirota Cohamacure yuhtiha. Ñ yuhtiro, payu masa ti buhiri tiare cohã masina tiro. To ã cohãchu “Ñaare ti yoari buhiri tia mariena, noaina jira”, ni ñna Cohamacu tinare.

²⁰ Cohamacu to dutiare Moise cjirore cãa tiha tí mehne jipihtina masa ti ñaa buhiri tiare ti noano masihto cjihtore. Ñ jia masa ti ñaa buhiri tiare masia tí yuhdoro Cohamacu tinare tuaro to cahã tia cãhure masiahca. Tiro marine cahĩ yuhduara.

²¹ Buhiri tiina ti jiri buhiri masa yariahtina jira. Ti yariari baharo, pichacapu wahaahca. Wiho mejeta Cohamacu masare cahĩ yuhduara. Ñ tuaro cahĩno, mari puhtoro Jesucristo masare to yariabasaro mehne masare “Buhiri marieina, noaina jira”, ni ñna. To ã ni ñina sehe to ya catia mehne ñ catirucuahca.

6

Yariaina cjiri ti ñaare yoeraro seheta Cristo yaina cãhu ñaare yoarucuerara

¹ ¿Dohse yoanahcari mari mipure, musa tuhotuchu? Cãina õ sehe niboca: Ñaare mari yoachu ñno Cohamacu mari ñaa buhirire borohca. ¿Cohamacu marire to cahĩ namochu ñ duana ñaare yoa namobocari mari?

² Jierara. Ñaare yoaena tjijihna mari. Yariaina cjiri ñaare ti yoeraro seheta Cristo yaina jina mari cãhu ñaare yoarucu masieraja mari.

³ Jesu yaina mari jia tiare masa ti ñu masihto cjihtore copu bautisare marine paina. ã jina mari puhtoro Jesucristo to yariachu, mari cãhu tiro mehne yariaina seheta wahahi. ¿Tíre masierajari masa?

⁴ ã bautisarina wahana Cristo pjacure masa copu ti siõ sãa payo cohãiro seheta pano mari ñaa yoarire duhuja. ã jina Cohamacu to tuaa mehne Cristo to masa mujariro seheta mari cãhu to tuaa mehne mari jia tia cãhure, mari tuhutua cãhure cohtotaja. ã cohtotana to yare wahma yoarucaina wahaja mari.

⁵ Cristo yaina jina, tiro mari puhtoro mehne yariaina seheta jina, to masa mujariro seheta mari cãhu masa mujanahca. Tí potocãta jira.

⁶ Cristo yaina ji ducana crusapu tiro mehne yariaina seheta wahai pari turi mari ñaare yoarucuerahito sehe. ã waharina jina ñaare yoarucaina ji namo duasi mari. Tíre mari masija.

⁷ Yariariro cjiropure ñaare goa pjaa mariahna. ã jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro.

⁸ Cristo mehne yariaina yoaro sehe jina, to masa mujariro seheta mari cãhu masa mujanahca. “Tí potocã tjira”, ni tuhutuja mari. ã jina tíre mari masa mujahitire wacũ cohtaja mari.

⁹ Cristo to yaria masa mujari baharo ne pari turi yariasi. ã catirucuriro jira tiro. Tíre mari masija.

¹⁰ ã jiro Cristo cã tahata yariato, masa ti ñaa yoari buhirire cohãno taro yariaha. To masa mujari baharo Cohamacu to cahmano seheta

yoarucuhtiro jira tiro.

¹¹ Tiro yoaro seheta m_{usa} c_{ũh} õ sehe ni t_ũhotuga: “Yariaina cjiri ti yoaeraro seheta mari c_{ũh} ñaare yoa duaeraja. Jesu yaina jina Cohamac_ũ to cahmano seheta yoahtina cjihtita jina nija mari c_{ũh}”, ni t_ũhotuga m_{usa}.

¹² ã jina m_{usa} variahtina jina ñaare yoarucuina jiena tjiga. ã jina m_{usa} ñaa yoaare goa pjapanah_{ta} t_ĩre ã t_ũhotunocahga.

¹³ Ñaare yoaina jiena tjiga. M_{us}are pichacap_ũ wahaborinare Jesu to y_ũhdorina jira m_{usa}. To ã yoarina jina Cohamac_ũ cahmaa dihtare yoaina jiga m_{usa}. ã jina noaare yoaina jiga m_{usa}.

¹⁴ Mip_ũre Cohamac_ũ Moise cjirore to dutia mehne marine dutierara. Cohamac_ũ marine cah_ĩno tiro sehe marine dutira. ã jina to yoadohoro mehne ñaare yoa duasi mari.

M_{usa} ñaare yoarucuch_ũ tí ñaa m_{usa} p_ũhtoro yoaro sehe jira

¹⁵ ¿Y_ũ ã nich_ũ dohse ni t_ũhotujari m_{usa}? ¿Cohamac_ũ seh_ũre y_ũhtihtina jina Moise cjirore to dutiare y_ũhtihtina jierana, ñaare yoarucubocari mari? Jierara.

¹⁶ ¿Ahrire masierajari m_{usa}? M_{usa} noano y_ũhtiro m_{usa} p_ũhtoro jira. ã jina to cahamaca jira m_{usa}. M_{usa} ã y_ũhti m_{usa} p_ũhtoro tiro seheta ñaare yoarucuina m_{usa} jich_ũ tí ñaa yoa m_{usa} p_ũhtoro yoaro sehe jira. ã jina ñaare duhu masierara m_{usa}. ã jiina jina pichacap_ũ wahahtina jira m_{usa}. Cohamac_ũre noano ño payoina jina pinihta,

to cahamaca jira m̄sa. ã jina to yaina noaina jira m̄sa. ¿Tíre masierajari m̄sa?

17 Panop̄m̄ ñaare yoarucuina m̄sa jich̄m̄ tí ñaa yoaa m̄sa p̄h̄toro yoaro sehe jimare. Mip̄m̄ sehere noaa buheare t̄h̄ona Jesure wac̄ũ tuana Cohamac̄m̄re noano ño payoina wahare m̄sa. M̄sa ã wahach̄m̄ ñ̄na Cohamac̄m̄re “Noana”, nija.

18 ã wahana mip̄m̄re ñaa ti dutiriro cjiro seheta yoaerara m̄sa. ã jina Cohamac̄m̄ cahamaca jina noaa sehere yoara m̄sa.

19 Cahamaca ti p̄h̄toare ti noano ño payoare masi pah̄̄ona m̄sa. ã jic̄m̄ tí m̄sa masiri mehne tí mehne piti dahre buhehi m̄sare ahri buheare noano masieraina m̄sa jich̄m̄ ñ̄nc̄m̄. Panop̄m̄ ñaare yoarucuina jimare m̄sa. M̄sa ã yoarucuriro seheta mip̄m̄ sehere noaare yoarucuina jiga m̄sa. ã jina Cohamac̄m̄ cahmaa dihtare yoanahca m̄sa.

20 Panop̄m̄ ñaa dihtare yoaina jina, noaa sehere yoaera tire m̄sa.

21 ¿Tí p̄jap̄m̄re ñaa dihtare yoana dohse jirore wapatarí m̄sa? Tí m̄sa ñaa yoarire wac̄ũna mip̄m̄re b̄o tica m̄sa. Tí ñaare m̄sa yoari buhiri pichacap̄m̄ wahaboa m̄sa. ã jina ñaare yoana ne wapataerara.

22 Mip̄m̄ sehere m̄sa ñaa yoarire duhuna Cohamac̄m̄ cahamaca wahare m̄sa. ã jina Cohamac̄m̄ cahmaa dihtare yoaina jinahca. ã jina jipihtia dachoripe Cohamac̄m̄ mehne jirucunahca.

23 Ñaare mari yoari buhiri pichacap̄m̄ wahahtina jija jipihtina mari. Mari ã jipach̄uta mari p̄h̄toro Jesucristore mari wac̄ũ tuach̄m̄ ñ̄no, jipihtia dachoripe tiro mehne marine jirucuch̄m̄ yoarohca.

Mari ã jirucuhtore ã wanocanhca.

7

Cohamacu Moise cjirore to dutiare yahu namoha Paulo tjoa

¹ Yu coyea, Cohamacu Moise cjirore to dutirire noano masina musa. Masuno to catisinichu ti dutiare yuhduruca dutierara. To yariari baharo pinihtare ti dutiare yoaro mariahna. Ti cãhure masina musa.

² O sehe jira: Numinore to manuno to catiro puro tiro mehne dihta ji dutira Cohamacu Moise cjirore to dutiri sehe. To ã dutipachuta to manuno to yariari baharo ticoro sehe pairore manu ti masina. Ticoro ti dutia mehne ji namoerara.

³ A jiro to manuno to jipachuta ticoro pairore manu tiro, ñano yoaricoro jira. Wiho mejeta to manuno to yariari baharopu pairore manu tiro, Cohamacu dutiare yuhdurucaerara ticoro ã yoaricoro. A yoaro ñano yoaricoro jierara ticoro.

⁴ Musa cãhu yu coyea Jesu yaina wahana, Jesu to yariachu, musa cãhu tiro mehne yariaina seheta wahare. A jina yariaina cjirire dutia ti marieno seheta Moise cjirore to dutia to cãri cjiri musa cãhure mariahna. Ti dutia musare dutierara. To manuno to yariari baharo, pairore manu tiricoro yoaro seheta musa cãhu panopu musare dutimarire duhu, Cristo mehne jira, ticoro paio mehne to jiro seheta. A jina mipure to yaina jira musa. Tiro sehe to yariari baharo masa mujari jire Cohamacu cahmaare mari yoahto cjihtore.

⁵ Panop_u ñaare mari m_u s_uro yoaa timai. Ñ jina Cohamac_u Moise cjirore to dutirire mari masiri baharo tí dutiare y_uhd_ur_uca duamai. Tí dutia mariach_u y_uhd_ur_uca duaeraboa. Ñ jina tí dutiare mari masiri baharo ñaare tuaro yoamai mari. Ñ mari ñaare yoana mari pichacap_u wahahtinata jia timai.

⁶ Ñ wahaborina jipanahta Cristo yaina jina mip_ure tí dutia mehne jieraja mari. Ñ jiro Espíritu Santo mari mehne jiro marine noaa sehere cohtotach_u yoara. To ã yoach_u panop_u macaa dutia m_una dutia to joari cjiri tí mehne jieraja mari mip_ure.

To ñaa yoari cjirire yahuha Paulo

⁷ ¿Ñ jina Cohamac_u Moise cjirore to dutirire dohse nibocari mari? ¿Tí to dutia ñaa jicari, m_usa t_uhotuch_u? Jierara. Tí y_uh_ure to dutiri mehne ñaare masii. Ñ jic_u to dutia mariach_u ñaare masieraboa y_uh_u. To dutia õ sehe jira. “Paina yap_ure tuaro cahmaena tjiga”, niha to dutia. Ti ã nierach_u paina yap_ure tuaro ti cahmari ti ñaa jich_u masieraboa y_uh_u.

⁸ Ñ jic_u tí dutiare y_u masiri baharo paina yap_ure tuaro cahmaa tii y_uh_u. Tí dutiare masierasinic_u paina yap_ure tuaro y_u cahmari ti ñaa jich_u masieraboa y_uh_u.

⁹ To dutiare y_u noano masihto pano ã t_uhotunocai. To dutiare y_u masiri baharo pinihta tuaro ñaare yoa duamai. Ñ jic_u pichacap_u y_u wahahtore masia tii.

10 Ñ jia Cohamacu dutiare yuhdurucaeraa masa tiro mehne noano jirucuboa. Ñ jia tí dutia sehe noano jirucuchu yoabori dutia jipahta yu yuhdurucari buhiri yuhure pichacaru waha dutimare.

11 Ñ jicu ñaare yoacu Cohamacu Moise cjirore to dutiare yuhduruca duamai. Ñaare goa pjariro jicu noaare masierahi. Tí ñaa yuhure dojomehnere. Ñ jicu noano masierahi. Ñ masieracu Cohamacu dutiare yuhdurucaci. Ñ jicu to dutiare yu masiri baharo yu ñaa buhirire pichacaru yu wahaborirore masii. To dutia mehne ã masii.

12 Ñ jia Moise cjirore Cohamacu to cūri dutia noaata jira. Ñ jia quihōno jiata nina tí dutia.

13 ¿Ñ jipahta marine tí noaa dutia sehe pichacaru wahachu yoajari? Jierara. Tóru wahachu yoajerara. Mari ñaa yoaa sehe marine pichacaru wahachu yoara. To dutiare mari masiri baharo tí dutiare yuhdurucana ñaare yoana masija mari. Ñ jina mari ñaina mari jiare masina mari pichacaru wahahto cūhure masija mari. Ñ jina to dutiare masina mari yuhdurucarire ti ñaa yuhdu jichu masija mari.

14 Cohamacu to dutiare Moise cjirore cūha. Tí to cūa noaa ti jichu masija mari. Wiho mejeta yuhu sehe paina yoaro seheta ñariro jija. Ñ jicuta ñaare yoarucuca yuhu.

15 ¿Dohse waharo nijari yuhure? Ne noano masieraja yu yoaaare. Yu yoa dua sehere ne yoaera, yu tuaro yoa duaeraa sehere yoaja yuhu.

16 Ñaare yoa duaerapaihta ñaare yoaja yuhu. Tíre yoacu Cohamacu dutia noaa dutia ti jichu masija

yuhũ.

17 ã jicũ mipũre yuhũ waro tí ñaare yoaeramaja. Wiho mejeta yũ tũhotuapũ jia ñaa tí sehe yuhũre ñaare yoachũ yoara.

18 Noaare tuaro yoa duapaihta ne bihoeraja. Ahri yahpa macariro jicũ yũ tũhotuapũ ñaa dihta jira. Ne noaa mariaputiara. ã jicũ noaare tuaro yoa duapaihta ne bihoeraja. Ñaa sehe yuhũre dojomehne mũjana.

19 Noaa yũ yoa duaa sehere yoaeraja yuhũ. Ñaare yũ yoa duaeraa sehere yoaja.

20 Yũ yoa duaeraare yoacũ mipũre yuhũ waro tíre yoaeramaja. Yũ tũhotuapũ jia ñaa tí sehe yuhũre ñaare yoachũ yoara.

21 ã jiro yuhũre õ sehe wahara: Noaare yũ yoa duapachũta yũ tũhotuapũ ñaa jira. ã jicũ noaa sehere ne yoa masieraca.

22 Cohamacũ Moise cjirore to dutirire yũ tũhotua mehne tuaro cahma, quihõno yoa duamaja.

23 ã jicũ yuhũ ahrire yũ basi masija: Yũ tũhotua mehne noaare Cohamacũ dutiare yoa duaja. ã yoa duapaihta yũ basi ñaare tuaro yoa duaca. Yũ mũ sũro ñaare duhu masieraja yuhũ.

24 ã ñaare duhu masieracũ pjacũoriro jija yuhũ. Ñaare yoacũ pichacapũ wahaihca yuhũ. Cuenah. ¿Yuhũre pichacapũ waha dutia ñaare noa yuhũre yũhdobasabocari?

25 Jesucristore yũ wacũ tuachũ tiro sehe ñaa yũ yoari buhirire yũhdobasarohca. To ã yoachũ Cohamacũre “Noana”, nija yuhũ. ã jicũ mipũre yuhũ yũ basi yũ tũhotua mehne Cohamacũ dutiare

quihõno yoa duamaja. ã yoa duariro jipacuta yu
pjacu mehne yu mu sũro ñaare duhu masieraja.

8

Espíritu Santore cjuaina ti jia tiare yahuha Paulo

¹ Mipure Jesucristo yainare ti buhiri tiboro
marjahna.

² ã jiro Jesucristo yairo yu jichu Espíritu Santo
ã catirucuchu yoariro ñaare yuhdurucachu yoara
yuhure. Ñaare yuhure yuhdurucachu yoaro yuhure
pichacaru wahaborirore yuhdore tiro.

³ Cohamacu Moise cjirore to dutiare mari
mu sũro ne yoa pahñosi. ã yoa pahñoerana
yuhdurucaina jia mari. ã jina tí dutia yoaa mehne
ne yuhdusi mari. Mari ã jiina jipachuta õ sehe
Cohamacu marine yuhdorohca. To macunore
mari yoaro seheta pjacu tihtirore warocaha,
mari buhiri tiare buhiri tihtiro cjihtore, marine
yariabasahtiro cjihtore. ã jiro mari tuhoutuaru jia
ñaare tiro duhuchu yoari jire.

⁴ ãta yoare Cohamacu dutiare to tuaa mehne
mari bihohto cjihtore. To dutiare bihoina jina
mari mu sũro jieraja. Espíritu Santo to yoadohoa
mehne to dutiro seheta yoaja mari.

⁵ Ñaare yoa duaina, tí dihtare goa pjara. Espíritu
Santo to dutiro seheta yoarucuína sehe tí to dutia
dihtare wacũ nunu, yoa duara tina.

⁶ Ñaa dihtare goa pjaa, wacũ nunuina pichacaru
wahaahca. Espíritu Santo to cahmano seheta tu-
aro yoa duaina sehe jipihtia dachoripe Cohamacu
mehne ã catirucuahca. ã jia tina Cohamacu
mehne noano jinocaahca.

7 Ñaa dihtare goa pja, wacũ nunuina Cohamacure ñu tuhtira. Tina Cohamacu dutiare ne yuhtierara. To dutiare yuhti duaerara. Yuhtia cãhu bihoeraboa tina.

8 Æ jia ti mu sũro yoaina Cohamacure wahchechu yo masierara.

9 Wiho mejeta musa sehe musa tuhotuapũ jia ñaare yoerara. Espĩritu Santo musa mehne to jichu to cahmano seheta yoara musa. Æ jia Espĩritu Santore cãueraina sehe Cristo yaina jierara.

10 Musa sehe to yaina jira. Musa ñaa buhiritã mu pjacũri yariara. Æ musa pjacũri yariahtina jipanahta Cristo musa mehne to jichu tiro mehne to ya catia mehne ã catirucunahca musa. Cohamacu musare “Buhiri marieina, noaina jira”, to ni ñuchu musa tiro mehne ã jirucunahca.

11 Cohamacũta Jesure masori jire. Æ masoriro jiro Espĩritu Santo mari mehne to jirucuchũ mari yariari baharo Cohamacu mari cãhure masonohca. Æ masono wahmaa pjacũri wahachu yoarohca marine. Jesure to masoriro seheta masonohca mari cãhure.

12 Yu coyea, to ã yoachu ñũna ñaa mari goa pjarire yoaena tjijihna.

13 Mari ñaare yoaina jina, pichacapũ wahahtinata jinocanata nija. Espĩritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

14 Jipihtina Espĩritu Santore yuhtiina Cohamacu pohna jira.

15 Espĩritu Santo mari mehne to ji dũcachũta Cohamacu pohna ji dũcai. Wiho mejeta tiro marine

dutipe, dahrachu yoah tiro jierara. ã jina panopu mari cuiriro sehe mipu sehere mari cuieraja. To pohna jina, Espíritu Santo to yoadohoa mehne mipure “Yи Pиcи”, nija mari Cohamacure.

16 ã jiro Espíritu Santo mari wacũaru marine õ sehe ni masichu yoara: “Potocãta Cohamacu pohna jija mari”, ni masichu yoara.

17 ã jina to pohna jina, Cohamacu jipihtiare to pohnare “Waihtja”, to nirire mari sehe cjuanhca. Jesucristo cũhu cjuã, mari cũhu cjuanhca tíre. Cristo yare mari yoari buhiri ñano yũhdũina jina mari tiro mehne mũanopu noano wahchea mehne jinocanhca. ã jina Cohamacu to pohnare to “Waihtja”, to nirire cjuanhca mari Cristo mehne.

18 Mipure ahri yahpai ñano yũhdũsinija mari. Baharopure mari mũanopu noano jinocanhca. ã jina mipure ñano yũhdũna, pjíro cahya tũhotuena tjijihna. Ahri mari ñano yũhdũna wiho waro jira. Baharo noano jinocanhca Cohamacu mehne. ã jina tuaro wahchenahca. Ahri pini wiho waro jierara.

19 Cũ nũmũ Cohamacu to pohnare cohtotarohca. Buhiri marieina, yariaerahtina, noaina waro jichu yoarohca marine. Mari ã wahachu jipihtia Cohamacu to bajuamehneri cjiri cũhu wahma dihta cohtota pihtia wahaahca.

20 Jipihtiropure to bajuamehneri noaa ti jiborire dojomehneha masũno ñano yoa dũcaro. Ti mũ sũro ã wahaeraha. Masũno Cohamacure to yũhdũrũcaro mehne to bajuamehneri ã waha. ã jiro Cohamacu to bajuamehneri cjirire ãta ñano ji dutisiniha. Baharo to bajuamehneri cjirire noaa

wahach_u yoarohca tjoa tiro.

²¹ ã jiro Cohamac_u to bajuamehneri cji_{ri}re baa pihtiborire noaa wahach_u yoarohca tjoa. Cohamac_u poh_{na}re noaina to wahach_u yoariro se_heta, tinare noano to y_uhdoriro se_heta noaa wahach_u yoarohca Cohamac_u to bajuamehneri cji_{ri}re c_uh_ure.

²² Jipihtia Cohamac_u to bajuamehneri cji_{ri} ñano ti ji d_ucari baharo ñano y_uhd_ua tiha. Numino niji wahc_ono to ñano y_uhd_uro se_heta to bajuamehneri c_uh_u dachoripe ñano y_uhd_urucura. Tíre mari masija.

²³ ã yoa mari c_uh_u to bajuamehneri cji_{ri} yoaro se_heta ñano y_uhd_uja. To yaina mari wahach_u, Cohamac_u to yairo Espí_{ri}tu Santore dóihta ware marine. ã jina “ ‘Waihtja’, to niriro se_heta sohtori tirohca”, ni masija mari. ã jina noaa sehere marine to cohtotahtore tuaro waro cohtaja. ã yoa to poh_{na} mari tiro mehne mari noano jihto c_uh_ure tuaro cohtaja mari. Tuhs_u, wahma pjac_ure marine to wahto c_uh_ure tuaro cohtaja.

²⁴ Mari ã cohtaina jich_u, tirota marine pichac_u wahaborinare y_uhdore. Tiro cahap_u jirina jina tiro cahap_ure mari wahahtore cohtaeraboa mari. Marine to y_uhdo tuhs_uri baharo tíre cohta namoeraboa.

²⁵ ã jina to wahtire ñ_uerapanahta Cohamac_u marine to y_uhdohtore cohtana, noano mehne ã cohtarucuja.

²⁶ ã yoa Cohamac_ure wac_u tuaera cureina to cahmaare noano masieraina jija mari ã jina tirore quih_ono siniina c_uh_u jieraja mari. Wiho mejeta

mari ã jiina jipachuta, Espíritu Santo sehe marine yoadohora. Marine tuaro pja ñño mari ya cjihtire durucuro marieno to tãhotua mehne tiro Cohamacu tuaro sini payobasara.

²⁷ Cohamacu to cahmano seheta mari Jesu yaina ya cjihtire sini payobasara tiro Espíritu Santo. To ã sini payobasachu Cohamacu mari tãhotuare masi pahñoriro jiro, Espíritu Santo to sini payobasaare masina.

Cristo to tuaa mehne ñaa yoaare yãhdãcanahca mari

²⁸ Ahrire yã yahuhtire masija mari: Jipihtina Jesure cahña mari jichu to cahmaare yoahinare besere marine tiro. ã jiina mari jichu ñño Cohamacu ã yoadohorucura marine. ã jina mari ñño yãhdãpanahta ñño yãhdãrucu dojoaeraja. ã jina Cohamacu yoadohoro mehne noano jinahca mari.

²⁹ Cohamacu marine to yaina cjihtire dóiputa masi, bese tuhsãha. ã besero to macño Jesu to yoaro seheta jihtina cjihtire marine cũha, payu masa to macnõre mari wahmi tihto cjihtore.

³⁰ Panopu to yaina to ji dutirina mari jichu, to pohna mari jihtina cjihti cãhãre beseha marine. ã jiro marine to beserinare tiro “Buhiri marieina, noaina jira”, ni ñãre. Marine to ã niinare tiro yoaro sehe jihtina cjihtire tiro mehne mãanopu noano jichu yoarohca Cohamacu.

³¹ Tíre masina õ sehe tãhotuja mari: Cohamacu marine to cahñinare ne paina ñu tuhtia bihosi.

³² Cohamacu mari ya buhirire yariahtirore to macnõre warocaha. “Yu macãre cahña. ã jicu

tirore warocaeraja”, nieraha tiro. Marine ã tuaro yoadohoriro jiro, jipihtia marine duhsarire wa pahñonohca.

³³ Cohamacu to beseina mari jichu, tiro marine “Ñaa buhiri marieina, noaina jira”, ni ñure. Mari ã jiina jichu paina marine “Ñaina jira”, ne ni yahusã masierara.

³⁴ Cristo mari ya buhirire yaria masa mujaha. Mipure Cohamacu poto buhusehe sehei jira puhtoro jiro. ã jiro tiro mari ya cjihtire potocãta sini payoro nina Cohamacure. ã jia paina sehe marine ne buhiri dahre duti masierara Cohamacure.

³⁵ Cristo marine to tuaro cahĩchu paina tirore “Cahĩ tjia”, ne ni masierara. Cahĩ duhusi tiro. Mari ñano yuhdupachuta, mari cuipachuta, paina marine ti ñano yoapachuta, mari jucã baapachuta, suhti marieina mari jipachuta, nu cuaroi mari jipachuta, marine ti wajãpachuta Cristo marine ã cahĩrucurohca.

³⁶ Cohamacu yare ti joari pũi mari ñano yuhduhtore yahuro, õ sehe nina:

“Mũ yaina sã jichu masa ñu jicoaeraa, ti wajãhtina ã jirucunata nija.

Oveja ti wajãhtina ti jiriro sehetã sã cãhure ã wahara”,
ni joaa tiha Cohamacu yare ti joari pũi.

³⁷ ã jina mari ñano yuhdupanahta Cristo marine cahĩro to yoadohoro mehne tí jipihtiare yuhdu witinahca. ã yuhduna to yare ne duhusi mari.

³⁸⁻³⁹ Jesucristo yaina mari jichu ñano Cohamacu sehe marine tuaro cahĩna. ã jiro tiro marine ne cahĩ duhusi. Mari yariachu cãhure, mari catichu

cãhure, mipure, baharopu cãhure, tiro marine cahĩ duhusi. ã yoa anjoa, wafia puhtoa, ahri yahpa macaina puhtoa, mmano macaina, ahri yahpa macaina cãhu marine Cohamacure “Mu yainare cahĩ tjia”, nia bihosi tina. Cohamacu to bajuamehneri cjiropure tirore marine ne cahĩ duhuchu yoaa mariahna. Marine ne tiro cahĩ duhusi.

9

Israe masa Cohamacu to beserina jira

¹⁻² Yu coyea Israe masare wacucu tuaro cahyaja. Cristore cahmaerara tina. ã jicu ñano cahya yajeripohna tija yuhu. Ti yu ã ni yahua potocãta jira. Yuhu Cristo yairo tjija. ã jicu musare “Cahyaja”, yu nia sehe potocãta jira. Musare ã nicu mahñoi nieraja. Espiritu Santo yu ã mahñoerachu masino, yuhure “Quihõno mu cahyarire yahure mahu” ni, yuhure masichu yoare.

³ Israe masa yu coyea yu ya yahpa macaina pichacapu wahaahca. Cohamacure tinare yuhdo duti duacu õ sehe ni duamaca yuhu sehe: “Ti ya buhirire yuhu sehe pichacapu wahihtja. ã jiro ti yaro jiborirore yuhu sehere buhiri dahrejaro Cristo”, ni duamaca yuhu.

⁴ Tina yu coyea Israe cjiro panamana ji turiaina jira. Tinare to pohna cjihtire cãha Cohamacu. Tuhsu, to si sitea mehne ti watoi jia tiha. Tinare jipihtinare to noano wahachu yoaa cãhure yahu cã mhtaata tiha. Tuhsu, Moise cjirore to dutiri cãhure dóiputa tinare Israe masareta cã mhtaata tiha. Tirore ti ño payohti macaa cãhure tinareta cã

m̄htāta tiha. Tuhs̄u, masare to ȳh̄dohto c̄h̄ure yahu c̄ūa tiha tinare Cohamac̄u.

⁵ S̄a ya curuari waro doce curuari waro jira. S̄a ñ̄ch̄us̄uma ji m̄htarina cjirip̄u ti panamana jia tiha. Ti panamana ji turiainap̄u jija s̄a Israe masa. Ā jiro mari yoaro sehe pjac̄u tiriro taro, s̄a coyeiro Israe mas̄no waro jire Cristo. Tiro Cohamac̄uta jira. Ā jiro tiro jipihtina bui p̄h̄toro jira. Jipihtia dachoripe tireore noano ñ̄o payojihna mari. Ā ñ̄o payorucujihna.

⁶ Paina Israe cjiro panamana ji turiaina jipahta Cohamac̄u yaina waro jierara. Ā jina tina to yaina ti jierach̄u ñ̄una õ sehe ni t̄hotuboca m̄sa: “‘Israe masare ȳu yaina jich̄u yoaihtja’, niparota c̄ainare Cohamac̄u to niriro seheta yoaerara”, ni t̄hotuboca m̄sa. Ā ni t̄hotuena tjiga.

⁷ Õ sehe jira: Paina Abrah̄a panamana ji turiaina ti jipach̄uta “Abrah̄a panamana ji turiaina waro jira”, ni ñ̄erara Cohamac̄u tinare. Ā jiro õ sehe nia tiha Cohamac̄u: “M̄u mac̄u Isaa panamana ji turiaina tina pinihta potoc̄ata m̄u panamana ji turiaina waro jiahca”, ni yahu c̄ūa tiha Cohamac̄u Abrah̄are.

⁸ To ã ni yahu c̄uch̄u ahr̄ire masinahca mari: Abrah̄a cjiro panamana jipihtina waro Cohamac̄u pohna jieraca. Cohamac̄u to ni c̄ur̄ire noano t̄h̄oina tireore wac̄ū tuaina sehe tinata jica Cohamac̄u pohna. Ā jia tinata jira Abrah̄a cjiro panamana ji turiaina waro.

⁹ Õ sehe niha Cohamac̄u Abrah̄a cjirore: “Pa c̄h̄ma ahri pja baroihta ȳu tjua tach̄u m̄u namo Sara wih̄ar̄iroc̄ãre cj̄arohca m̄u mac̄ure”, nia tiha

Cohamacu Abrahã cjirore. ã nino Cohamacu Abrahã cjiro macuno to masa bajuahtore yahu cūyuro nia tiha.

¹⁰ Baharo Isaa cjiro namono Rebeca wama tiri-coro puaro pohna tia tiha. Ti puaro Isaa sã ñuchu cjiro jia tiha.

¹¹⁻¹² ã jia ti pohna ti masa bajuerasinipachuta, noaare, ñaa cūhure ti yoerasinipachuta Cohamacu ti pocoro cjihtore õ sehe nia tiha: “To bahuro sehe to wahminore dutirohca. ã jiro to puhtoro jirohca”, nia tiha ticorore. Cohamacu to cahmano seheta besera tiro. ã jiro jiro cãirocãre besero ticorore ãta ni yahua tiha. ã jiro masa ti yoare ñeraparota to cahmano seheta tiro to yaina cjihtire besera.

¹³ ãta ni joaa tiha to yare ti joari pūi: “ ‘Jacobó sehere cahña tihí. Esáu sehere cahñera tihí’, niha Cohamacu”, ni joaa tiha panoru.

¹⁴ ¿Tíre wacūna dohse ni tuhotubocari mari? ¿Ti yoahdire ñeraparota cãirore ã besero Cohamacu quihõno yoaro nierabocari, masa tuhotuchu? Jierara.

¹⁵ Õ sehe nia tiha Cohamacu Moise cjirore: “Diro yu pja ñu duarirore pja ñuhtja”, nia tiha tiro Moise cjirore. ã jiro cãirore ã besero quihõno yoaro niha Cohamacu.

¹⁶ ã jina mari mu saro mari cahmano sehe Cohamacure marine pja ñuchu yoeraja mari. Tuhsu, ne mari noaare mari yoari wapa cūhure marine pja ñerara tiro. To mu saro to pja ñu duaina sehere pja ñuna.

¹⁷ Egipto macaina puhtoro faraõ cūhure to cah-

mano seheta yoaa tiha tiro. Õ sehe nia tiha Cohamacu faraõre: “Egipto macaina puhtoro cjihtore cūi nii muhare yu tuare jipihtinare yu ñohto cjihtore. Tuhsu, jipiehtia yahpari macaina yuhare ti masihto cjihtore puhtoro sōi nii yuhu muhare”, nia tiha Cohamacu faraõre. Tó seheta nina Cohamacu yare ti joari pūi.

¹⁸ Æ jiro to pja ñu duainare to mu suro pja ñuna tiro. Tuhsu, paina sehere to mu suro yuhtierachu yoara tiro. Tó cahmano seheta yoara tiro.

¹⁹ To ã yoariro jichu ñuna yuhu sehere õ sehe niboca musa: “Cohamacu marine to cahmano seheta to yoachu mari sehe tirore yuhduhcana bihosi. ¿Mari ã yuhduhcana bihoerapachuta dohse jiro baro marine buhiri dahre duajari tiro?” ni susini sinituboca musa yuhare.

²⁰ Tíre õ sehe ni yuhtija musare: ¿Masa wiho jiina jipanahta Cohamacure tuhtijari musa? Dihi biato dahrerirore “¿Dohseachu yuhare õ sehe jiri biato yoari muhu?” tí biato to ni sinituboriro seheta nina nica musa Cohamacure. Tó sehe ni masierara musa.

²¹ Dihi biato dahreriro dihi mehne to yoa duaro seheta yoara. Æ yoaro cūria dihica mehne noaare cūhti biatore yoa masina tiro. Tia dihica mehneti wiho jiare cūhti biato cūhare yoa masina tiro. Tiro yoaro seheta Cohamacu cūhu to yoa duaro seheta yoara.

²² Æ jiro Cohamacu pichacapu to cohāhtinare ti ñaa yoarire to ñu yabiare, to tuua cūhare ñono taro, tinare dói buhiri dahre duamaha. Æ dói buhiri dahre duaparota, yoari pja ti ñaa yoare ã ñunocasiniha. Æ jiro tinare buhiri dahrerasiniha.

23 Ñta yoaha Cohamacu noabiariro to jiare, to tuaa cãhure mari masihto cjihtore. Panopu marine to pja ñina cjihtire tiro beseri jire jipihtia to tuaare to noaa cãhure mari cjahto cjihto sehe.

24 Ñjina mari sehe to beserina jinata nija. Ñjia to beserina sehe cãina judio masa dihta jierara. Cãina judio masa jieraina cãhure jira to beserina.

25 Ñta nina judio masa jierainare Cohamacu yare Osea cjiro to joariro seheta:

“Pano yu yaina jieraina cjiri cãhure baharopu tinare ‘Yu yaina jira’, nihtja.

Ñ yoa pano yu cahieraina cjiri cãhure baharopu tinare ‘Yu cahina jira musa’, nihtja”, nia tiha Cohamacu.

26 “ ‘Yu yaina jierara musa’, Cohamacu to nia yahpari macaina tina Cohamacu catiriro pohmata jahca”,

ni joaa tiha Osea cjiro panopure.

27 Tuhsu, panopu macariro Isaia cjiro cãhure Israe masare õ sehe ni yahua tiha: “Pjiri ma macaa padu yaparicare mari quihõna bihoeraja. Israe masa tí yaparicã peri payu ti jiro sehe jiina ti jipachuta mahainacã Cohamacu yuhdorohca tinare.

28 Cohamacu ahri yahpa macainare payu masare to nino seheta cjero mehne potocãta buhiri dahre bahrañonohca”, nia tiha Isaia cjiro.

29 Ñ yoa pari turita Isaia cjiro õ sehe ni joaa tiha tjoa:

“Mari puhtoro jipihtina bui puhtoro mahainacã mari mehne macainare yuhdoeraro, marine judio masare jipihtinare butichu yoaboa tiro.

Sodoma macainare, Gomorra macaina cãhure to butichu yoariro seheta mari cãhure butichu yoaboa tiro”, ni joaa tiha Isaia cjiro yu coyeya Israe masare.

Judio masa noaa buheare cahmaeraha

³⁰ ã tjira. ã jina ahrire masi namoga musa: Judio masa jieraina Cohamacure macaerapahta tirore bocare. Jesucristore ti wacũ tuachu ñno, “Buhiri marieina, noaina jira”, ni ñure tinare Cohamacu.

³¹ Wiho mejeta judio masa sehe “Cohamacu dutiare mari yoachu tiro marine yndorohca”, nia Cohamacu Moise cjirore to dutiare yoapahta, bihoerare. Ti ã bihoerachu ñno, Cohamacu “Noaina jira”, ni ñerare tinare. ã jia noaina ji duapahta bihoerare.

³² Õ sehe yoaa, tina bihoerare: Tina Cohamacure wacũ tuaro marieno ti mu sũro Moise cjirore to dutirire yoa duamare, to yaina ji duaa. Mari piti dahre buhechu Cristo tãca yoaro sehe jiriro jira. Ti mu sũro yoainare Cristo pũha tu borachu yoari tãca yoaro sehe jiriro jira. Mũroca wahcãriro sehe tãcapũ pũha tu, bora su caharo to wacũ wahcãnopũre ne sũerara. (Pũha tu borariro yoaro seheta tina Cristore tãca yoaro sehe jirirore cahmaeraina Cohamacu cahapũ ne sũsi.)

³³ ãta ni joaa tiha Cohamacu yare ti joari pũi: “Jerusalẽ wama tiri macai pũha tu borachu yoari tãca yoaro sehe jirirore cũja.

Mari piti dahre buhechu õ sehe jira: Mũroca wahcãriro tãcapũ doca wahã su bora su caharo to wacũ wahcãnore sũerara.

Tãca yoaro sehe jiriore cahmaeraina sehe tiare
 pũha tu bora, ti wacũ wahcãnopũre ti
 sũeraro seheta Cohamacũ cahapũ sũsi.
 Wiho mejeta tirore wacũ tuaina sehe tiro mehne
 ã wahcherucuahca”,
 ni joaa tiha.

10

¹ Yũ coyea, Israe masare pichacapũ waha-
 borinare Cohamacũ to yũhdohtore, tuaro yũ ya-
 jeripohna mehne cahmasãamaja yũhũ. ã jicũ Co-
 hamacũ tinare to yũhdohto cjihtore sini payoja
 yũhũ.

² Potocãta tina Cohamacũ cahmaare tuaro yoa
 duamana. ã yoa duapahta to cahmaa warore
 masierara.

³ Tuhsũ, tinare Cohamacũ to noaina wahachũ
 yoaborire tina tũho ñahaerare. ã tũho ñahaeraa,
 ti mũ sũro noaare yoa duapahta bihoerare. Ti
 ã yoachũ tinare Cohamacũ to wacũ tua dutiro
 seheta ti yoerachũ ñũno, tiro sehe tinare “Noaina
 jira”, ni ñũerare.

⁴ Wiho mejeta Cristore wacũ tuaina sehere
 “Noaina jira”, ni ñũna Cohamacũ. ã jina du-
 tia yoaa mehne yũhdũeraja mari. Cristo mehne
 yũhdũja.

⁵ Moise cjiro panopũ macariro õ sehe ni
 joaa tiha: “Cohamacũ to dutirire ne cãno
 dũhsaro marieno mari yoa pahñochũ Cohamacũ
 yũhdorohca marine”, ni joaa tiha tiro.

⁶⁻⁷ To ã ni joapachũta mipũre masa Cristore ti
 wacũ tuachũ ñũno Cohamacũ tinare “Noaina jira”,
 ni ñũna. Tí buhea noaina ti wahachũ yoari buhea

õ sehe ni yahura: Cristo to basi ahri yahpapu wihi tuhsari jire. Tuhsu, masa maha tuhsari jire. ã jina õ sehe ni tuhotuena tjiga masa: “¿Diro sehe manopu Cristore na tabasaro wahabocari marine to yuhdohto sehe? ¿Diro sehe yariaina cahapu Cristore masobasa na tabocari? Tirore na taboriro mariahna”, ni tuhotuena tjiga masa.

⁸ Õ sehe ni yahura Cohamacu yare ti joari pui: “Cohamacu ya buheare mari macachu to buhea oi jira. To buheare masi tuhsara masa. ã yoa to buheareta durucua tire masa”, ni joaa tiha. Ti buheare Cristore wacu tuaa buheare masare yahuja sa.

⁹ Ti buhea õ sehe ni yahura: “Jesu mari puhtoro jira”, ni mari yahuchu, “Cohamacu Jesure yari- ariro cjirore potocata masore”, ni mari wacu tu- achu, Cohamacu marine pichacapu wahaborinare yuhdorohca.

¹⁰ Jesure mari wacu tuachu Cohamacu sehe ma- rine “Noaina jira”, ni nuhohca. Jesure mari wacu tuaare painare mari yahuchu tiro marine picha- capu wahaborinare yuhdorohca.

¹¹ Õ sehe nina Cohamacu yare ti joari pui: “Co- hamacure wacu tuaina tirore ti wacu tuaa mehne ne cahyasi”, niha Cohamacu yare ti joari pui.

¹² Judio masare, judio masa jieraina cuhure Co- hamacu cano potorita yoadohora. Mari puhtoro jipihina bui puhtoro jira tiro. ã jiro tirore to yoad- ohoare siniinare jipihinare noano waro yoado- horohca tiro tinare.

¹³ Õ sehe ni joaa tiha panopure: “‘Yu buhiri tiare cohãbasa, yuhure yuhdoga’, ni mari puhtorore

masa ti sinichu tinare pichacapu wahaborinare mari puhtoro yuhdorohca”, ni joaa tiha Cohamacu yare.

14 Wiho mejeta masa sehe Cristore wacu tuaeraa, tirore a ni sini masierara tina. Tuhsu, to buhea cuhare tuhoeraa, tirore wacu tua masierara. A yoa to buheare yahuro mariachu cuhare tere tina masisi.

15 Tuhsu, to buheare yahuhtinare Cohamacu sehe to warocaerachu to buheare yahu masierara. A ni joaa tiha Cohamacu yare ti joari pu: “Noa buheare yahuhtina ti tachu noano wahcheja mari”, ni joaa tiha panopure.

16 Ti a ni joari jipachuta masa payu noaa buheare tuho duaerara. Ata ni joaa tiha Isaia cjiro: “Yu puhtoro, tinare mari yahure tina ne tuho duaerare”, ni yahua tiha Isaia cjiro Cohamacure.

17 A jia masa noaa buheare tuhoa Cristore wacu tuare. Ti tuhoa sehe noaa buhea sehe Cristo ya buhea waro jira.

18 A jicu ahire o sehe ni sinitu nu duaja musare: Israe masa Cohamacu yare tuhoerari, musa tuhotuchu? Potocata tina tuhoa waro tuhomare. Ata nina Cohamacu yare ti joari pu cuhu:

“Cohamacu noa putiariro to jia tiare yahuina jipihitiro yahu sitea wahare.

A jia jipihitiro macainapu to yare tuho sahseare”, ni joaa tiha panopure.

19 Pari turi musare o sehe ni sinitu nu duaja tjoa: Israe masa tuhopahta noano masierari tina, musa tuhotuchu? Masia timaha tina. Ahire yahu

namoc_u Moise cjiro to nirire yahu m_uhtaihtja. Õ sehe ni joaa tiha tiro:

“Õ sehe ni yahura Cohamac_u Israe masare: “T_uho masieraina, ñaina jira”, ni m_usa ñaina sehere y_u yaina cjihti wahach_u yoaihtja.

Y_u ã yoach_u m_usa sehe tina mehne sua, tinare ñ_u tuhtinahca.

Ã yoac_u m_usare suach_u yoaihtja y_uh_u, ni yahure Cohamac_u Israe masare Israe masa jierainare to yaina jich_u yoaro taro”, ni joaa tiha Moise cjiro.

²⁰ Tuhs_u, Isaia cjiro c_uh_u cuiro marieno ò sehe nia tiha:

“Õ sehe nina Cohamac_u: ‘Y_uh_ure macaeraina sehe y_uh_ure bocahre.

Ã jic_u y_uh_ure cahmaerainare tinare y_uh_ure m_usich_u yoahi y_uh_u, nire Cohamac_u”, ni joaa tiha Isaia cjiro judio masa jierainare.

²¹ Tuhs_u, Israe masa sehere ò sehe ni joaa tiha Isaia cjiro: “Õ sehe nina Cohamac_u: ‘Tina y_uh_ure y_uhd_urcaina, y_uh_ure cahmaeraina jira. ã jic_u tinare ti ñaare cahya dutic_u “Y_u yaina wahaga”, ã nirucumai tinare. Wiho mejeta tina sehe y_uh_ure ne y_uhti duaerare’, nire Cohamac_u”, ni joaa tiha Isaia cjiro.

11

Mahainacã Israe masare pichacap_u wahaborinare y_uhdorohca Cohamac_u

¹ ;Ã jiro Israe masare Cohamac_u to beseina cjiro cohãno niri tiro, m_usa t_uhotuch_u? Jierara. Tinare cohãerare tiro. Y_uh_u c_uh_u Israe mas_uno,

Abrahã panamino ji turiarirorpɯ jija. Benjami ya curua macariro jija yɯhɯ.

² Panopɯre Israe masare to ya curua macaina cjihtire Cohamacɯ besea tiha. To ã beserinare cohãerare. Cohamacɯ yare ti joari p̄i Elia cjiro ya quitire yahura. ¿Elia cjiro Cohamacɯre sinino, Israe masare to yahusãrire masierajari mɯsa? Õ sehe ni yahusãha tiro:

³ “Yɯ pɯhtoro Cohamacɯ, tina Israe masa mɯ yare yahu mɯhtainare wajãre. Tuhsɯ, tinata paina mɯhɯre ño payoa taa, wahiquinare wajã jũ mɯoa tuhuri cãhɯre cohãre. ã jicɯ yɯhɯ dihta mɯ yairo dɯhsaja mipɯre. Yɯ ã jichɯ tũhoa yɯhɯ cãhɯre wajã duara tjoa, mipɯre”, niha Elia cjiro Cohamacɯre.

⁴ To ã nichɯ tũhoro Cohamacɯ sehe õ sehe ni yɯhtiha Elia cjirore: “Siete mil waro mɯa yɯ yaina jira mipɯre. Tinare wihboi yɯhɯ. Tina yɯ yaina sehe Baal wama tiri masɯre ne ño payoera tire tina. ã jicɯ cuii tjiga mɯhɯ”, nia tiha Cohamacɯ Elia cjirore panopɯre.

⁵ Tí pjare Elia cjiro to jia tiri pjapɯre to yaina masare to beseriro seheta mipɯ cãhɯre mahainacã Israe masare to yaina cjihtire besere Cohamacɯ. Cohamacɯ tinare cahmano tinare pja ñɯno besere.

⁶ Noaare ti yoari wapa tinare besero nierare. Tinare ã cahmano, pja ñɯno besere. “Noaare mɯsa yoari wapa mɯsare beseihtja” nino, tiro tinare potocãta pja ñɯno nieraboa.

⁷ ã yoa õ sehe jira: Israe masa Cohamacɯ tinare “Noaina jira”, to ni ñɯchɯ yoa duapahta tina cãno pjaerare. Wiho mejeta Cohamacɯ to basi to be-

serina sehe noaina to yaina wahare. Tirore cãno pjaeraina sehe to yare tũho duaerare.

⁸ Āta nia tiha Cohamacũ yare ti joari pũi:
“Cohamacũ tirore cahmaerainare to yare tũho
ñahaerachũ yoare.

Ā jiro potocã jiare ti tũhopachũta tinare ne noano
tũho ñahaerachũ yoare Cohamacũ.

Āta jirucura tina mipũ cũhare”,
ni joaa tiha panopũre.

⁹ Ā yoa panopũ macariro Davi cjiro Israe masa
Cohamacũre ti cahmaerari buhiri õ sehe nia tiha
Cohamacũre:

“Tina Israe masa ti bose nũmũri, ti wahchea
nũmũri ti yũhdoro wato, yurica ñahñoriro
to ñano yũhdũro seheta tina cũhare ñano
yũhdũchũ yoaga.

Tó sehe yoainare tinare ñano buhiri dahrega
mũhũ.

¹⁰ Tuhsũ, mũ yahuare tinare ne tũho ñahaerachũ
yoaga mũhũ.

Ā buhiri tirucuina ji, ã cahyarucuina jijaro tina”,
nia tiha Davi cjiro Cohamacũre.

*Judio masa jierainare pichacapũ wahaborinare
yũhdorohca Cohamacũ*

¹¹ ¿Judio masa Cristore ti cahmaerachũ ñũno,
Cohamacũ tinare cohãno warota nibocari, mũsa
tũhotuchũ? Cohãsi tinare. Ā cohãeraparota tina Cri-
store ti cahmaerachũ mipũre judio masa jieraina
sehene Cohamacũ yũhdorohca. Mipũre tinare to
yaina jichũ yoare Cohamacũ. To ã yoachũ ñũa
cãina judio masa sehe tina mehne sua sayo, Co-
hamacũ yainata ji duaahca.

12 Judio masa ti yǎhdurɨcachɨ ti noano yoaerachɨ paina sehere ahri yahpa macainare cǎinare Cohamacɨ yǎhdore. To ǎ yǎhdochɨ tina sehere noano wahare. To ǎ yoariro yǎhdoro, baharo judio masa sehe Cristore ti noano wacũ tua dɨcachɨ pinihtare ahri yahpa macainare jipihitropɨre noaputiaro waharohca.

13 Mipɨre mɨsare judio masa jierainare yahui tai nija. Cristo cũre yǎhɨre judio masa jierainare buhehtiro cjihtore. ǎ jia yɨ dahraa sehe wiho jia jierara.

14 To cũriro seheta yǎhɨ mɨsare buheja, yɨ coyea judio masa sehere mɨsare ti ñɨ cũchɨ yoa duacɨ. Cohamacɨ yǎhdorina mɨsa jichɨ ñɨa tina cǎhɨ Cristore cahmaa, to yǎhdoina wahaboca.

15 Judio masare cohãbo curero, judio masa jieraina sehere noaa buheare Cohamacɨ yahu dutire. Tí buheare ti tɨhori baharo Jesure ti wacũ tulari baharo cǎina judio masa jieraina, jipihtiro ahri dacho macaina Cohamacɨ yaina wahare. ǎ jiro judio masare to cohãbo curechɨ noano wahare paye yahpari macaina sehere. To ǎ yoariro yǎhdoro judio masa to cohãbo cureina cjirire pari turi to yaina cjihti to yoachɨ pinihtare jipihtinapɨre ahri yahpa macainare noaputiaro waharohca. To yaina cjihti pari turi ti wahachɨ, jipihtinapɨ to yaina yariaina cjiri sehe pari turi ti masaboro seheta jirohca.

16 Ǒ sehe jira: Trigo yɨbɨ mehne wahma pãoca ti yoaria Cohamacɨ yaria cjihto Cohamacɨre ti wachɨ, tiare ti yoa dɨhari yɨbɨ cǎhɨ to yariata jira. Tuhsɨ, yucɨcɨ nɨhcori cǎhɨ Cohamacɨ ya nɨhcori

cjihti jia, t_u d_up_ur_i c_uh_u Cohamac_u yata jira. Ô sehe mari ni piti dahre buhech_u Abrahã sã ñ_uch_u cjiro Cohamac_u yairo to jiro sehetã to panamana ji turiainap_u c_uh_u Cohamac_u yaina jahca Cristore wac_u tuaina jia. Yoa d_uhari y_ub_u c_uh_u to yariata jica. Tuhs_u yuc_uc_u n_uhcori c_uh_u Cohamac_u ya n_uhcori cjihti jia, t_u d_up_ur_i c_uh_u Cohamac_u yata jica. Ô sehe mari ni piti dahre buhech_u, Abrahã sã ñ_uch_u cjiro Cohamac_u yairo to jiro sehetã to panamana ji turiainap_u c_uh_u Cohamac_u yaina jira, Cristore wac_u tuaina jia.

17 Ti ã jihtina jipach_uta c_uinãre ti coy_eã sehere judio masare Cohamac_u cohãre. Olivo wama tid_u d_up_ur_ire cãã d_up_ur_ire to d_ute cohãboro sehetã cãina judio masa sehere Cohamac_u cohãre. ã yuc_uc_u d_up_ur_ire cohãno to cohãri d_up_ur_i jiro cjiroi paye d_up_ur_ire n_uc_u macad_u olivoc_u d_up_ur_ire cohtota duhu õhre. Tó yoaro sehetã Cohamac_u m_usare judio masa jierainãre Abrahã panamana ji turiaina cohtotare m_usare, m_usã cãh_ure yãdoro taro.

18 M_usare to ã c_uch_u “Judio masa yãdoro noaina jija sã”, ni tãhotuena tjiga. Ahr_ire y_u yahuhtire wac_uga m_usã: Judio masa sehere bese m_uhtaha Cohamac_u. ã besero ti coy_eiro cjihtore c_uha Cristore, m_usare yãdoro taro. ã jina “Judio masa yãdoro noaina jija”, ni tãhotuena tjiga m_usã.

19 M_usã judio masa jieraina sehe õ sehe niboca: “Cãã ñãã d_up_ur_ire to cohãboro sehetã Cohamac_u cãina judio masare cohãre. Paye d_up_ur_ire cohtota to õno sehetã to yaina marine c_uno taro ã cohãre

tinare”, niboca m̄sa judio masare ȳhd̄m̄r̄ca du-ana.

²⁰ Tí m̄sa nia potoc̄ata jira. To ã jipach̄ta tina Jesure ti wacũ tuaerari buhiri Cohamac̄u cohãre tinare. ã jiro m̄sa c̄h̄re Jesure m̄sa wacũ tuaerach̄u to yaina cjihti m̄sare c̄eraboa. ã jina “Judio masa ȳhd̄oro noaina jija sã”, niena tjiga m̄sa. ã nieranata “Cohamac̄u cua pisariro jira”, ni t̄hotuga m̄sa.

²¹ Olivoc̄u ji m̄hta d̄p̄ri waro yoaro sehe judio masa sehe Cohamac̄u yaina ji m̄htaha. To cohtotaa d̄p̄rire to õboro seheta Cohamac̄u to yaina m̄sa sehere cohtota c̄ha. Wiho mejeta to yaina ji m̄htaina judio masa tirore ti wacũ tuaerach̄u, c̄inare cohãre. Tinare to cohãriro se-heta m̄sa c̄h̄re cohãnohca, tirore m̄sa wacũ tuaerach̄u.

²² Cohamac̄u m̄sare noano yoariro to jich̄u masiga m̄sa. Tuhs̄u, cua pisaro mehne buhiri dahreriro to jich̄u c̄h̄re masiga m̄sa. Tirore ño payoerainare tiro buhiri dahrerohca. ã jiro tirore m̄sa ño payoerach̄u olivoc̄u d̄p̄ri warore to cohãriro cjiro seheta m̄sa c̄h̄re cohãnohca Cohamac̄u.

²³ ã yoa judio masa to cohãbo curerina cjiri Cristore ti wacũ tua d̄cach̄u ñ̄no, olivoc̄u d̄p̄ri warore pari turi to duhu õno seheta Cohamac̄u to yaina cjihti yoarohca tinare. Cohamac̄u to ã yoa masihti cjihtireta tuaare cj̄ara tiro. ã jiro tiro tinare c̄inare to yaina cjihti yoarohca.

²⁴ M̄sa judio masa jieraina jina, n̄c̄u macad̄u olivoc̄u d̄p̄ri yoaro sehe jira m̄sa. ã jiina m̄sa jipach̄u olivoc̄u toad̄ni n̄c̄u macaa d̄p̄rire to na

ta õboro seheta, Cohamacu musare to yaina cjihti yoahre. To ã yoachu, ne mijoerare tirore. Judio masa Cohamacu to bese muhtarina jira. Olivocu toadu dupuri waro yoaro sehe jira tina. Æ jiro ti jidu waro cjiropare pari turi to duhu õboro seheta to yaina cjihti pari turi judio masare to yoachu, ne mijoerara tirore.

Baharo judio masare pichacapu wahaborinare yuhdorohca Cohamacu

²⁵ Yu coyea, ahrire masa ti masieraare musare yahuihtja. “Mipure sã dihtare besere Cohamacu. Cohamacu sã masi yuhdurucu suchu ñno, tiro sãre besere”, musa ni tuhotuerahto sehe ahrire yahuihtja musare. Õ sehe jira: Mipure payu judio masa Cohacure tuho duasi. Wiho mejeta payu judio masa jierainare Cohamacu to quihõriro puro to yaina to yoari baharo judio masa cuhu tirore cahma dcaahca.

²⁶ Ti ã cahmachu judio masa payu warore pichacapu wahaborinare Cohamacu yuhdorohca. Cohamacu yare ti joari pui ata ni yahu joaa tiha: “Jerusalẽ wama tiri macai judio masa ya macai tinare yuhdohtiro tarohca.

Jacobo panamana ji turiainare ti ñaa yoari buhirire tiro cohãnohca.

²⁷ Tinare yuhdocu panopu tinare yu ni cõriro seheta yoai nija’, nire Cohamacu”, ni joaa tiha Cohamacu yare ti joari pui.

²⁸ Mipure tina judio masa Cristo yare ño payoeraina Cohacure ñu tuhtira. Ti ã yoachu mipure musa sehe judio masa jieraina Cristore wacũ tua dcare. Judio masa sehere Cohamacu

bese mahtari jire. Judio masa ñuchusuma cjiri to beserina ti jichu mipu jina judio masa cãhure tiro cahina.

²⁹ Cohamacu to ni cãriro seheta tinare to beseriro seheta quihõno yoarohca tiro. To nirire ne bosì tiro.

³⁰ Panopure masa cãhu Cohamacure yuhdurucari jire. Mipure judio masa Cohamacure ti yuhdurucachu ñano tiro masa sehene pja ñano yuhdore.

³¹ Mipure judio masa tirore yuhdurucare. Ti ã yoapachuta Cohamacu masare to pja ñuriro seheta tina cãhure baharopure pja ñano hca.

³² Õ sehe jira: Jipihtina masare “Yuhure yuhdurucaina jira”, nina Cohamacu. ã jiro jipihtina tirore yuhdurucaina ti jichu ñano jipihtinare pja ñu masina tiro.

³³ Cohamacu tua yuhdurucu sãriro jira. Noano masi pahñoriro jira tiro. ã jiro to tãhotuare, to yoarire marine noano masihto basioerara.

³⁴ Õ sehe ni joaa tiha Cohamacu yare: “Cohamacu mari puhtoro to tãhotuare ne masa noano masierara. ã jia masa tirore ‘Õ sehe yoaga’, ni masierara.

³⁵ ã jia masa Cohamacure paye barore ti wari baharo “Tiro marine wapamona”, ni masierara masa”, ni joaa tiha panopure.

³⁶ Cohamacu jipihtiare yoaa tiha. Tuhsu, to tuaa mehne jipihtiare jisnichu yoara tiro. ã jia jipihtia to ya jira. To ã jiriro jichu jipihtia dachoripe tirore ño payojihna mari. ãta yoarucujihna.

12

Cohamacu cahmaare marine yoarucu dutiha Paulo

¹ Cohamacu marine tuaro pja ñare. To ã pja ñuriro to jichu ñuna, yu coyea, musa sehe oveja noarirore ti jũ wa m̄oriro seheta Cohamacure ti ño payoriro seheta musa c̄hu tirore ño payorucuga, to yare musa noano yoarucuhto sehe. Musa ã yoachu, tiro wahcherohca. Ñta yoaro cahmana marine, Cohamacure quihõno ño payona tana. Ñ jicu musare tíre tuaro yoa dutija.

² Ahri yahpa macaina ñaare yoaina yoaro sehe yoaena tjiga musa. Ñ yoa musa t̄hotuap̄re Cohamacu noaa t̄hotua sehere to cohtota, c̄chu, yuhtiga musa. Ñ yuhtina, noaa sehere t̄ho cohtotarina jinahca musa. Ñ yoana noaare, Cohamacu cahmaare, ñaa mariare, potocã jiare masinahca musa.

³ Cohamacu yuh̄re to yare yoa masichu yoariro buhe dutiro beseri jire yuh̄re. Ñ jicu jipihtina musare õ sehe ni t̄hotu dutieraja yuh̄. “Noabina ji yuh̄rucaja sã”, ni t̄hotuena tjiga. Ñ t̄hotunocahga. Jesure musa wacũ tuari baharo, Cohamacu musa c̄inare noaare yoa masihtire to c̄chu, “To yoadohoro mehne ahri noaare yoaja”, ni t̄hotuina jiga musa.

⁴ Õ sehe ni yahu namoihtja yuh̄ musare. Mari wamomacari, mari dahpori, mari capari jipihtiro mari p̄jac̄i jia payu jira. Mari p̄jac̄i jia c̄ p̄jac̄u jiparota soro jia dahraa c̄hara.

⁵ Tí jiro seheta soro sehe jia dahraare c̄na Cohamacu marine. Ñ jina payu masa jipanahta

Cristore wacũ tuaina jina, to pjacũ cã pjacũ yoaro seheta cã curuata jija mari.

⁶ Cohamacũ marine to yoadohoro purota to tuaa mehne yoa dutira. ã yoaro marine cãinare soro jia mari yoahtere cũna tiro. To ã yoachũ marine to cũrire mari sehe noano yoajihna. ã jia Jesu yaina õ sehe yoajaro. Cãinare Cohamacũ to yare yahuhtinare cũna. ã jia tina Cristore ti wacũ tuaro puro to yare noano yahujaro.

⁷ Cãinare Cohamacũ m̄sare yoadohohtinare cũna. ã jia tina m̄sare noano mehne yoadohojaro. Cãinare Cohamacũ m̄sare buhehtinare cũna. ã jia tina m̄sare noano buhejaro.

⁸ ã yoa paina cũhũ m̄sare sũho wahchechũ yoahтина jia, m̄sare noano sũho wahchechũ yoajaro. Tuhsũ, paye barore wahtina jia, ti wahtire noano mehne yajeripohna ti, wajaro. ã yoa paina cũhũ m̄sare sũho ji m̄htahtina jia, noano mehne sũho jijaro. ã yoa pjacũoinare yoadohohtina jia, wahchea mehne yoadohojaro.

Jesu yaina jina õ sehe yoaina jiga

⁹ “Sã basi cahma cahĩja”, ni mahñono marieno m̄sa basi cahma cahĩga. ã yoana ñaare ñũ yabiina jiga m̄sa. Tuhsũ, noaa sehere ã cahmarucuga.

¹⁰ Tuhsũ m̄sa bahana warore m̄sa cahĩno seheta Jesu yainare m̄sa mehne macainare cahĩga. ã yoana m̄sa basi noano cahma ño payoga m̄sa.

¹¹ Cohamacũ cahmaare yoana, ne caparo marieno yoaga. ã yoana mari puhtoro to dutiro seheta noano wahchea mehne yoaga.

12 Cohamacu musare pichacapu wahaborinare to yuhdorinapu jira musa. Ñ jiro musa wahahto noaputiaro jira. Tíre masina wahchega musa. Ñ yoa ñano yuhduna, cãno pjaga “Cristo yare duhuri”, nina. Tuhsu, Cohamacure ã sinirucuga.

13 Paye baro Jesu yainare duhsachu waga tinare. Ñ yoa musa ya wuhusepu cãhure masa ti suchu noano yajeripohna tiro mehne tinare piti bocaga.

14 Musare ñano yoainare “Noano wahajaro tinare”, ni sini payoga. Tinare ã sini payona, “Tina ñano yuhduwahnojaro”, niena tjiga.

15 Ñ yoa paina wahcheina mehne jina, musa cãhu tina mehne wahchega. Tuhsu paina ñano cahyaro mehne tiina mehne jina, musa cãhu cahya, tiidohoga tinare.

16 Musa mehne macaina mehne noano jiga musa. Ñ jina “Paina yuhdoro noaina jija”, ni tãhotuena tjiga. Õ sehe ni tãhotuga: “Wiho jiina jija”, ni tãhotuga. Ñ jina “Masi yuhduwacaina jija sã”, ni tãhotuena tjiga.

17 Paina musare ti ñano yoapachata, tinare ñano yoa cahmaena tjiga. Noaa sehere yoaga, noaina musa jia tiare jipihtina masa ti masihtu cjihtire.

18 Musu bihoro puro jipihtina mehne noano jinocahga musa.

19 Musu yu cahĩina, yu coyea paina musare ti ñano yoapachata tina yoaro sehe ñano yoa cahmaena tjiga. Cohamacu sehe musare ti ñano yoari buhiri buhiri dahrejaro tinare. Cohamacu yare ti joari pũĩ ãta ni joaa tiha: “ ‘Yuhu sehe musare ti ñano yoari buhiri buhiri dahreriro jija. Ñ jicu potocãta

buhiri dahrehtja', nina mari p̄htoro", ni joaa tiha panop̄re.

²⁰ Æ jina õ sehe yoaga m̄sa: M̄sare ñ̄ tuhtiriro to j̄ca baach̄ ñ̄na nuga tirore. To ñ̄hma yapi-och̄ c̄h̄re ñ̄na tirore sihõga. M̄sa ã yoach̄ ñ̄no m̄sare to ñ̄ano yoari buhiri b̄no tirohca.

²¹ Æ jina paina m̄sare ti ñ̄ano yoapach̄ta m̄sa sehe tinare ñ̄ano yoa cahmaena tjiga. Tinare noaa sehere yoaga m̄sa. Æ yoana ñ̄aa sehere cahmaerana nica m̄sa.

13

¹ Jipihtina m̄sa bui p̄htoa cjihtire Cohamac̄ dihta bese c̄na. Ne c̄iro p̄htoro Cohamac̄ to bese c̄erariro mariahna. To ã c̄rina ti jich̄ ñ̄na jipihtina m̄sa tinare noano ȳhtiga.

² Mari p̄htoare noano ȳhtierana Cohamac̄ to bese c̄rinare ȳhd̄rcana nija mari. Æ ȳhd̄rcainare Cohamac̄ sehe buhiri dahrerohca.

³ Noainare cuich̄ yoah̄tina jierara p̄htoa. Ñ̄aare yoaina sehere cuich̄ yoah̄tina jira tina. Noaare yoaga m̄sa p̄htoare m̄sa cuierahto cjihto sehe. Æ yoana cuis̄ m̄sa. Noaare m̄sa yoach̄ p̄htoro sehe "Noaare yoare m̄sa", m̄sare ni ñ̄nohca.

⁴ M̄sa p̄htoa Cohamac̄ to c̄no seheta m̄sare yoadoh̄tinata jira m̄sa noano jinocahto cjihto sehe. Wiho mejeta m̄sa ñ̄aare yoana pini tinare cuiga. Tina m̄sare buhiri dahrehtina cjihtita jira. Jipihtina ñ̄aare yoainare buhiri dahre dutiro Cohamac̄ tinare besere.

5 Ti ã buhiri dahrehtina ti jichu ñaare yoana musa puhtoare cuiga. Ñ jina ño payoa mehne “Noaare yoaro cahmana yuhure”, ni tuhoturo mehne noano yuhtijihna.

6 Musa puhtoa ti dahrahti cjihtire Cohamacu cure. Ñ jina ti dahraare ti yoachu ñana musa puhtoare wapa nabasainare wapara musa.

7 Jipihtinare musa puhtoare noano yuhtiga. Tuhsu, puhtoare wapa nabasaina cuhure wapaga musa. Ñ yoa puhtoa sehe payere ti wapa dutichu cuhure wapaga. Ñ jina jipihntina puhtoare noano ño payoga.

8 Tuhsu, paina masare wapamoena tjiga. Tinare cahño cahmana. To cahai jiinare cahñiro Cohamacu dutiare yoa pahño tuhsuriro jira. Ñ jina musa cahai jiina cuhure cahiga.

9 Õ sehe nina Cohamacu dutia: “Pairo namonore wuhana tiena tjiga. Numia cuhu pacoro manonore wuhana tiena tjiga. Masare wajãena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cuhu jira. Ti ã jipachuta cãno dutiare musare yahui tai nija. Tí dutia cãno dutia to jipachuta tí dutiare yoana Cohamacu dutiare yoa pahñona nija mari. Tí dutia õ sehe nina: “Mu basi mu cahño sehetu mu cahai jiina cuhure cahiga”, nina. Tí dutiare yoana Cohamacu dutiare yoa pahñoina jina nina.

10 Musa cahai jiinare cahina, tinare ñano yoasi. Ñ jina tinare cahina, Cohamacu dutiare yoa pahñoinata jira musa.

11 Ñ jina carina yoaro sehe jiena tjiga musa. Noano wacũ masiga. Jesure noano wacũ

cohtaga. Jesu marine to tjua ta naahto mahanocã dũhsatjiãna. Tirore mari coã wacũ tua dũcachũ Jesu marine to yũhdoro tahto mahanocã dũhsamare. Mipũ pinihtare cahacã waro jira to tahto. Ahri yũ nirire masina mũsa.

¹² Mipũre ñaina ya dacho jira. To tahto mahanocã dũhsara. Tíre masina, buhiri tichũ yoaare, nahitiano yoaro sehe jiare duhu pahñojihna mari. ã jina Cohamacũ cahmaa sehere yoajihna mari. ã Cohamacũ yare yoana, ñaare duhu pahñonahca mari. Ahri dachore payũ ñaa baro jichũ, ñami yoaro sehe jira. Wiho mejeta Cristo to tachũ, ñami yoaro sehe jiro pihtia waha, pa dacho, buhria mũja taro yoaro sehe waharohca. Surara coma suhtiro to sãa dũcataro seheta Cohamacũ ñaare to dũcataare noano cjũ pahñojihna mari. ã tíre cjũana ñaare duhu, Cohamacũ cahmaa sehere mari yoajihna.

¹³ ã jina Jesu to tahtore wacũ cohtaina jina, noaa sehere yoajihna. Bose nũmũrine yoana ñano yoaena tjijihna. Tuhsũ, cahaena tjijihna. ã jina numia mehne ñano yoaina, paina mehne ñano yoaina, cahma sayoina jiena tjijihna. Mũsa numia cãhũ mũa mehne ñano yoaena tjiga.

¹⁴ Wiho mejeta Jesucristore pũhtoro tina, tirore yũhtiga mũsa. ã yũhtina to jiro seheta jiga mũsa. ã jina ñaare mũsa goa pjaa sehere yoaena tjiga.

14

Mũsa coyeare Jesu yainare “Ñano yoaa nina”, ni yahuwajaena tjiga

1 Jesure wacũ tuarirore to noano wacũ tuaro dũhsasinichũ ñũna tirore ji coaro mehne cahmaga. To ã jiro jichũ ñũna “Ne masierara mũhũ” ni, tiro mehne cahmasayoena tjiga.

2 “Jipihtiare chũ masija yũhũ”, ni tũhotura paina. Paina sehe Jesu yare noano masierasinia wahiquinare chũeraina, toaa dicha dihtare chũra.

3 Jipihtiare chũina sehe toaa dicha dihtare chũinare ñũ tuhtiea tjijaro. ã yoa toaa dicha dihtare chũina cũhũ jipihtiare chũinare “Ñano yoa nina”, ni cahma yahuwajaea tjijaro. Jipihtiare chũina sehe Jesure wacũ tuaina ti jichũ Cohamacũ tinare to yaina yoa tuhsũre. To yaina ti jichũ ñũna wahiquinare chũeraina sehe tinare yahuwajaea tjijaro.

4 Jesure wacũ tuaina Cohamacũre dahra cohtaina dihta jira. Ti ã jichũ ñũna mũsa tinare yahuwaja masierara. Jesure wacũ tuaina to cahmano sehe ti quihõno yoaerachũ ñũno tiro dihta ti pũhtoro jiro, tíre yahu poto masina. To cahmaare quihõno ti yoachũ cũhũre tíre yahu masina tiro. ã jiro tiro sehe to yainare “Ñano yoare mũhũ”, ni yahuhtiro jirohca. ã jiro tirore dahra cohtainare noaa dihtare yoarucu masichũ yoariro jira Cohamacũ.

5 Cãina cãa dachori cua pisaro mehne Cohamacũre ti ño payohti dachori cjihtire cjuara. Paina sehe, “Dohse jiri dachore Cohamacũre ño payochũ, noana”, ni tũhotu, ño payoia jira. Tina cãno potori ã yoaeraina jipahta jipihtina õ sehe ni tũhotujaro: “Jesu to cahmano seheta noano yoana nija”, ni tũhotu masijaro.

6 Cãiro cãa dachori cua pisaro mehne Cohamacure ti ño payoa dachorihi Cohamacure ño payoro, tiro cãhũ quihõno ño payoro nina. Tuhsũ jipihtiare chũriro chũrota, Cohamacure “Noana”, ni wahche payora tiro. ã jiro tiro cãhũ Cohamacure ño payorota nina. ã yoa paio sehe cãa chũare chũerara, Cohamacure ño payoro. Tiro cãhũ Cohamacure “Noana”, ni wahche payora.

7 Tuhsũ, mari cahmaa dihtare yoaina ne ji masieraja mari. Cristo jira mari pũhtoro. ã jiro mari catichũ mari yariachũ cãhũre mari pũhtorota jira.

8 Mipũre mari catisinino puro Cristo yare yoahcina jija mari. To yaina jija. Mari yariari baharopũ cãhũre to yainata jinahca. ã jiro mari catichũ mari yariachũ cãhũre Cristo mari pũhtoro jira.

9 ãta jira. Cristo yaria masa mũjaha catiinare, ã jichũ yariaina cãhũre ti pũhtoro jiro taro.

10 ¿Dohseana tana mũsa coyeirore Jesu yairore “Ñano yoaro nina”, ni yahuwaja duajari mũsa? ¿Dohseana tana mũsa coyeirore tũ diho cũ duajari mũsa? Mari jipihtina Cristo panoi mari ducuchũ tiro sehe mari yoarire masi pahñonoriro jiro, marine beserohca noainare, ñainare. To ã besehtiro to jichũ mũsa coyeirore “Ñariro jira”, ni yahuwajaena tjiga.

11 Cohamacũ yare ti joari pũi õ sehe ni joaa tiha: “Õ sehe nire mari pũhtoro: ‘Yũhũ catiro jija. ã jicũ õ sehe ni quihõno warota yahuja mũsare. Jipihtina yũ panoi na tuhcuca caha sũahca.

Ã na tuhcuca caha sũ, “Noariro, tuariro jira mũhũ” ni, yũhũre ño payoahca’, nire mari pũhtoro”, ni joaa tiha.

¹² Ã jiro jipihtina mari yoarire Cohamacũ siniturohca marine. “¿Dohse yoana ã yoari?” ni siniturohca. To ã sinituchũ yũhtiro jica marine.

Mũsa coyeirore ñano yoachũ yoaena tjiga mũsa

¹³ Ã jina mari mehne macainare “Ñaina jira mũsa”, ni cahma yahuwajaena tjijihna. Ã yoana mari coyeirore Jesu yairore dojomehnena tjijihna “Jesure wacũ tua duhuri”, nina.

¹⁴ Yũhũ Jesucristo yairo jicũ, ahri yũ nihtire noano masija yũhũ. Yũhũ sehe jipihtia chũare yũ chũchũ yũ chũri buhiri, buhiri mariahna. Wiho mejeta paio sehe “Ahri chũare chũcũ buhiri tii nica yũhũ”, ni tũhoturiro sehe chũro, potocãta buhiri tiriro jira.

¹⁵ Tí potocã tjira. Paina ti sio, chũera barore mũsa chũchũ ñũno, mũsa coyeiro ñũ cũ chũro, “Cue, ñano yoai nica yũhũ”, ni pjíro tũhotuboca tiro. Tirore ã ñũ cũ chũchũ yoana, tirore cahĩna nieraca mũsa. To sio, chũera barore mũsa chũchũ, tiro cãhũ ñũ cũ chũboca. Ã chũro “Ñano yoai nija”, ni tũhoturo Cristore duhuboca. Mũsa coyeiro yaro jiboriro cãhũre yariari jire Cristo. Ã jina “Cristore duhuri”, nina tirore ñũ cũ chũchũ yoaena tjiga.

¹⁶ Ã jia “Ahri sã yoari noa nica”, mũsa ni tũhotuchũ paina mũsare yahuwajaboca. Ti ã yahuwajachũ ñũna mũsa ã yoarire yoa namoena tjiga, “Yahuwaja namori”, nina.

17 Cohamacu sehe mari puhtoro jira. To ã jichu mari chua, mari sihnia cãhu ã jinocaa nina. Wiho warota jira. ã jia mari puhtoro to dutiare, noaa cãhure mari yoachu tí waro jia nina. Paina mehne mari noano jinocachu cãhure noaa waro jia nina. Tuhsu, Espíritu Santo yoadohoa mehne mari wahchechu noaa waro jia nina.

18 Tó seheta Cristo yare yoarirore ñua Cohamacu, masa cãhu “Noano yoare mahu”, niahca.

19 Tó seheta yoajihna mari pinihta noano mari jinocahto cjihtore, mari basi mari cahma yoadohoto cjihtore. ã yoana Jesure wacũ tua namonahca.

20 Pairo Jesu yairo to chu dutierari cjirire musa chuchu ñano tiro sehe ñu ji coeraro Cohamacu yare cohãboca. ã jina tíre chuenta tjiga. Potocãta jipihtia chua noaa chũata jira. Tí ã jipachũta paye barore mari chuchu pairo “Ñaa chua jica ahri”, niriro jiparota ñu cũ chũboca. ã churo ñano yoaro nica tiro. ã jina marine to ñu cũ chuchu, mari cãhu ñano yoana nija.

21 Wahiquina dihire musa chuchu ñano, vinore musa sihnichu ñano, pairo Jesu yairo “Tíre chucu ñano yoai nica yuhu”, ni tũhoturiro jiparota tiro cãhu ñu cũ, chu sihniboca. ã ni tũhoturiro pinihta chu sihnino ñano yoaro nina. ã jina tiro to ñano yoaeraho sehe Jesure to wacũ tua duhueraho sehe wahiquina dihire, vino cãhure musa sehe musa duhuchu noa nina.

22 “Jipihtiare chu masija”, ni tũhotuna, tíre Cohamacu dihtare yahuga. Ñaare yoarerario, “Noano yoai nica yuhu”, ni tũhoturiro wahcheriro

jira.

²³ Pairo sehe “Ahri ch_{uare} ch_uñano yoai ni-boca y_uh_u”, ni t_uhoturiro jiparota tí ch_{uare} ch_uro, buhiri tiriyo jira tiro. “Ahrire ch_uñano potocãta noaare yoai nija”, ni t_uhotuerara tiro. ã ni t_uhotueraro tíre ch_uro, to ch_uri buhiri buhiri tira tiro. “Noaare yoai nija”, ni t_uhotueraro tíre yoaro, buhiri tira tiro.

15

Mari cahai jïinare noano yoajihna

¹ Mari Cohamac_ure noano wac_u tuaina sehe wac_u tuaera cureinare yoadohojihna. ã yoana mari ya cjihti dihtare yoaena tjijihna.

² ã jina mari cahai jïinare Jesu yainare noano yoajihna ti noano jinocahto cjihtore, Cohamac_ure ti noano wac_u tua namohto cjihtore.

³ Cristo sehe to ya dihtare yoeraha. ãta nina Cohamac_u yare ti joari p_ui. Õ sehe ni joaa tiha: “Cristo ò sehe nire Cohamac_ure: ‘M_uh_u sehere ñano durucuborina y_uh_u sehere ñano durucure’, nire Cristo Cohamac_ure”, ni joaa tiha panop_ure. ã ñano ti durucuriro jiro Cristo to P_uç_uro ya sehere yoaro niha.

⁴ Panop_u Cohamac_u yare ti joari p_ui tina joaa tiha mari noano buhehto cjihtore. ã jina tí p_ure buhena wahcheja. ã buhena mari ñano y_uhd_una cãno pjana, noano mari y_uhd_uhtore cohtanahca.

⁵ Cohamac_u m_usare tuach_u yoariro wahchech_u yoariro m_usare jipihtinare cãno potori noano jich_u yoajaro, Cristo to cahmano seheta.

⁶ Āta yoajaro tiro m_{usa} jipihtina c_{ũno} potori Cohamac_{re} mari p_uhtoro Jesucristo P_uc_urore “Noariro, tuariro jira”, ni m_{usa} ño payohto cjih-tore.

Judio masa jierainare noaa buheare yahu d_ucaha

⁷ Cristo marine to yoariro seheta m_{usa} mehne macainare noano cahma piti bocaga. M_{usa} ã yoach_u ñ_ua “Potocãta Cohamac_u noariro jira”, ni ñ_uahca masa sehe.

⁸ M_{us}are ahrire niita nija: Judio masare yoad-ohohtiro cjihto taha Cristo. Cohamac_u tireore warocaro judio masa sã ñ_uch_us_uma c_ujirip_ure to ni yahuro cjiro seheta yoaro niha. T_ure to yoari c_ujirire masare masich_u yoah_utiro cjihto taha Cristo.

⁹ Masare Cristo to yoadohoch_u Cohamac_u p_ua ñ_uno nire tinare. To ã p_ua ñ_uch_u judio masa jieraina c_uh_u Cohamac_ure “Noariro, tuariro jira” ni, ño payora mip_ure. Tina c_uh_ure to yaina jich_u yoaro taha Cristo. Cohamac_u yare ti joari p_ui āta ni joaa tiha:

“Cristo õ sehe niha Cohamac_ure: ‘Judio masa jieraina cahai m_uh_ure “Cohamac_u noariro, tuariro jira”, ni ño payoihtja.

Ā jic_u tina cahai basac_u m_u ya c_ujhtire basaihtja’, niha Cristo Cohamac_ure”, ni joaa tiha panop_ure.

¹⁰ Tuhs_u, õ sehe ni joaa tiha tjoa:

“Cohamac_u to beserina judio masa mehne cahma wahchega m_{usa} c_uh_u judio masa jieraina”, ni joaa tiha panop_ure.

¹¹ Tuhs_u, õ sehe ni joaa tiha tjoa:

“Judio masa jieraina jipihtina Cohamacure ño payojaro.

Ã jia jipihtiro macaina tirore ‘Noariro, tuariro jira’, ni ño payojaro”,
ni joaa tiha.

¹² Ã yoa Isaia cjiro cũhũ õ sehe ni joaa tiha:

“Jesé panamino ji turiariro tarohca.

Ã taro judio masa jieraina bui puhtoro jirohca tiro.

Ã jia tina sehe tirore wacũ tuaa, tinare pichacũ wahaborinare to yũhdohtore masi-
ahca tina”,

ni joaa tiha panopũre.

¹³ Cohamacũ marine baharopũ to yũhdohtore wacũ cohtachũ yoariro noano mũsare wahchechũ yoajaro. Tuhsũ, mũsare Jesure wacũ tuainare noano jinocachũ yoajaro tiro. Mũsare to ã yoachũ mũsare to yũhdohtore Espíritu Santo to tuaa mehne wahchea mehne wacũ cohta namochũ yoajaro.

¹⁴ Ahrire mũsare yũ yahuhtire noano masija. Mũsa sehe noaina jira. Tuhsũ, Jesu yare noano masina mũsa. Ã masina mũsa basi noano cahma yahu, buhe masina mũsa.

¹⁵ Mũsa ã masiina mũsa jipachũta cãa tahari ahri pũpũre mũsare cuiro marieno noano yahu pahño joahi tíre mũsa boerahto sehe. Cohamacũ yũhũre cahño mũsare buhe dutiro cũre yũhũre. Ã jicũ to cũriro seheta yoaja, mũsa tíre boerahto sehe.

¹⁶ Yũhũre to ã cũchũ, sacerdote to yoaro sehe yoaja yũhũ. Ã yoacũ, Jesucristo yare noaa buheare judio masa jierainare buheja yũhũ. Yũ ã buhechũ tũhoa, tina Jesure wacũ tuara. Tina Jesure wacũ

tuainare y_h sehe sacerdote wahiquinare wajã jũ m_h Cohamac_{re} y_h waboriro seheta, tinare “M_h yaina jira”, nija Cohamac_{re}. Y_h ã niinare Espíritu Santo sehe tinare Cohamac_u yaina cjihti jich_h yoara. Ti ã jiina jich_h ñ_hno, Cohamac_u sehe ji coaro mehne tinare ñahanohca.

¹⁷ Cohamac_u to buhe duti cūriro jic_h Jesucristo to yoadohoa mehne y_h yoari cjirire wahchea mehne yahuja m_hsare.

¹⁸⁻¹⁹ Tuhs_h, ahri pinihtare m_hsare pototi yahu duahi. Y_h yahua y_h m_h s_hro y_h yahua ne jierara. Paina judio masa jierainare Cristo to yoadohoa mehne tinare y_h buhech_h t_hhoa, y_h yoarire ñ_ha, ã jia Jesu tuaa mehne y_h yoa ñorire ñ_ha, Espíritu Santo to tuaa mehne tina Cristore wacū tuare. Jerusalē_{ph} wahma y_h buhe d_hcari baharo jipihtia macaripe_{ph} buhe wahcãhi. P_h Ilirico yahp_{ph} cã_hre Cristo ya buhea noaa buheare buhei s_hi.

²⁰ Cristo yare masieraina dihtare noaa buheare tuaro buhe duahi, y_h mehne macaina ti buheri-nap_{re} buhe duaerac_u.

²¹ Ñ_hta ni joaa tiha Cohamac_u yare ti joari pũi:
“Panop_h tirore ne t_hhoeraina cjiri tirore masi-ahca.

Ñ_h yoa tirore ne t_hhoeraina cjiri to yare noano t_hhoahca”,
ni joaa tiha Cohamac_u yare ti joari pũi.

Paulo Romap_h to wahahtore yahuha

²² Ñ_h jic_h jipihtiro macainare buheriro jic_h pay_h tahari m_hsa cahai waha duapaihta waha masiera tihi.

23 Mip_u pinihtare ahri yahparip_ure y_u dahraa pihtia wahahre. ã jic_u pay_u cãhmari m_usa cahap_u waha duariro jic_u m_usa cahap_u wahaihtja.

24 Españap_u wahac_u, m_usare tó_i ñ_u y_uhd_uaihtja. ã yoac_u m_usa mehne wahcheihtja. Tuhs_u, m_usa mehne mahanocã y_u jiri baharo y_uh_ure m_usa yoadohoa mehne Españap_u y_uhd_u wahcãihtja.

25 Mip_ure Jerusalēp_u wahasinii tai nija. Tó macainare Jesu yainare y_u coyeare niñerure naasinii wahai nija.

26 Macedonia yahpa macaina, Acaya yahpa macaina cãh_u noano mehne Jesu yainare Jerusalēp_u jinare pjac_uoinare niñerure warocahre tinare yoadohoa. ã jic_u tinare tíre wai wahai nija.

27 Tí niñerure waa, noano mehne wahre tina. Ti ã yoach_u noa nina, y_u tãhotuch_u. Tinare judio masa jierainare judio masa sehe Cohamac_u yare buhe m_uhtare. ã jia tinare to y_uhd_uohto cãh_ure buhe m_uhtare judio masa. Ti ã buhech_u ñ_uc_u Macedonia macaina Acaya macaina mehne judio masare ti yoadohoch_u noa nina y_uh_ure. Tinare ti buheri wapa yoaro sehe jira tí, y_u tãhotuch_u.

28 ã jic_u Jerusalē macainare tí niñerure wa tuhs_uc_u Españap_u wahaihtja. Tó_u wahac_u m_usare ñ_u y_uhd_uaihtja.

29 ã yoa m_usa cahap_u y_u wahach_u Cristo yare m_usare y_u buhech_u tiro m_usare noano yajeripohna tich_u yoarohca.

30 Y_u coyea, mari p_uhtoro Jesucristore wacũ tuara m_usa. ã yoa Espíritu Santo to tuaa mehne painare cahña m_usa. ã jiina jina y_uh_u cãh_ure

tuaro sini payoga Cohamacure.

³¹ Ő sehe ni sini payoga: Judea yahpa macaina Jesure ño payoeraina yahure ti ñano yoa duachu Cohamacu yahure to ñu wihbohto sehe sini payoga. Tuhsu, Jerusalẽ macaina Jesu yainare niñerure yu wabasachu tina tíre wahchea mehne ti ñahahto sehe sini payoga.

³² Mh̄sa ã sinichu Cohamacu cahmachu wahchea mehne mh̄sa caharu wahaihtja. Ā jicu mh̄sa mehne jicu wahchea mehne soihtja.

³³ Cohamacu marine noano jinocachu yoariro mh̄sa mehne jirucujaro.

16

Paulo noa dutiha

¹ Mari coyeacoro Febe wama tiricoro mh̄sa caharu waharo taro nina. Ticoro Cencrea wama tiri macai Jesu yainare cahmachuinare yoadohoricoro jira.

² Ā jiro payure yoadohoricoro yuh̄u c̄hure yoadohoricoro jihre ticoro. Tuhsu, mari puhtoro Jesu yacoro jira. Ā jina ticorore noano mehne mh̄sa mehne ji dutiga. Tó sehet̄a yoaro cahmana marine Jesu yainare. Ā yoana ticorore paye baro to maerachu ñuna ticorore waga mh̄sa.

³ Aquila, to namono Priscila c̄h̄u noajaro. Jesucristo yare yu buhechu tina c̄h̄u yuh̄u mehne dahrare.

⁴ Tinare mahano wajãmoñore paina yahure ti wajã duachu ti yoadohori buhiri. Ā jicu tina mehne wahcheja yuh̄u. Tuhsu, judio masa

jieraina Jesu yaina jipihtina tina cãhũ tina mehne wahchera.

⁵ Aquila ya wãhũ cahmachuina cãhũ Jesu yaina noajaro. Yũ cahĩriro Epeneto cãhũ noajaro. Tiro Asia yahpa macariro tói jiro Cristore wacũ tua mũhtariro jire.

⁶ María cãhũ noajaro. Ticoro mũsa mehne tuaro dahrahe.

⁷ Yũ coyeyã Andrónico, Junia cãhũ noajaro. Pere-sui yũ jichũ tinata yũhũre piti tiina jihre. ã jia yũ pano Cristore wacũ tua mũhtare tina sehe. Paina Jesu to cũrina sehe tinare “Potocãta noaina jira”, ni durucura.

⁸ Ampliato cãhũ yũ cahĩriro Jesu yairo jira. Tiro noajaro.

⁹ Urbano cãhũ noajaro. Tiro cãhũ mari mehne Cristo yare dahrahe. ã yoa yũ cahĩriro Estaqui noajaro.

¹⁰ Apele cãhũ noajaro. Tiro potocãta noano Jesure wacũ tuara. To yoarire ñũna tíre masija mari. Tuhsũ, Aristóbulo ya wãhũ macaina jipihtina to namono to pohna cãhũ noajaro.

¹¹ Yũ coyeyiro Herodiõ noajaro. ã yoa Narciso ya wãhũ macaina Jesu yaina noa pihtinocajaro.

¹² ã yoa Trifena, Trifosa cãhũ noajaro. Tí numia mari pũhtoro Jesu ya dahraare yoara. Mari cahĩricoro Pérside cãhũ noajaro. Ticoro mari pũhtoro yare tuaro yoara.

¹³ Rufo mari pũhtoro Jesure noano wacũ tuariro, to yare noano yoiro noajaro. To pocoro cãhũ noajaro. Ticoro yũ poco yoaro sehe jiricoro jira.

14 Asíncrito, Flegonte, Herme, Patroba, Herma, paina Jesu yaina tina mehne macaina cãh̃ noajaro.

15 Tuhs̃, Filólogo, Julia, Nereo, to bahoro cãh̃, Olimpa, paina tina mehne macaina cãh̃ Jesu yaina noajaro.

16 ã yoa m̃sa mehne macainare piti bocana, noano mehne piti bocaga. Jipihtina Jesu yaina jipihtiro macaina m̃sare noa dutira.

17 Ỹ coyea, m̃sa mehne macaina cãina m̃sare cahma ñ̃ tuhti, cahma tju wach̃ yoaina jira. ã jia m̃sare Jesu ya buheare dojomehnena. ã jina tó sehe yoainare ñ̃na noano yoanoh̃, “Dojomehneri”, nina. ã yoainare piti tienã tjiga.

18 Tó sehe yoaina mari p̃htoro Jesucristo yare yoaerara. Ñ̃are ti goa p̃aa dihtare yoara. Tuhs̃, noano t̃ho ji coaro dero mahño buhera noano masierainare. Ti ã mahño ch̃ tinare noano t̃hora. ã jina ã yoainare piti tienã tjiga m̃sa.

19 M̃sa sehe Jesure noano ỹhtiina jira. Tíre jipihtina masina. ã noano ỹhtiina m̃sa jich̃ wahcheja ỹh̃. ã jic̃ noano m̃sa yoah̃tore m̃sa masich̃ cahmaja ỹh̃. ã yoa ne ñ̃are yoaeraina m̃sa jich̃ cãh̃re cahmaja ỹh̃.

20 ã jiro Cohamac̃ marine noano jinocach̃ yoariro mahanocã baharo wat̃no Satanare ỹhd̃r̃cach̃ yoaroh̃ca m̃sare. ã yoa mari p̃htoro Jesucristo m̃sare noano wahach̃ yoajaro.

21 Timoteo ỹ piti m̃sare noa dutira. Ỹ coyea judio masa cãh̃, Lucio, Jasõ, Sosípatro m̃sare noa dutira.

22 Yuhũ Tercio ahri pũre Paulore joabasariro jija. Yuhũ Jesu yairo jicũ mũsare Jesu yainare noa dutija.

23 Gayo ya wuhũi jinocai nija yuhũ Paulo. To ya wuhũi Jesu yaina cahmachuna. Tiro cãhũ mũsare noa dutira. ã yoa Erasto ahri maca macaina pũhtoare niñerure ñũ wihbobasariro mũsare noa dutira. Mari coyeiro Jesu yairo Cuarto cãhũ mũsare noa dutira.

24 [Yũ coyea mari pũhtoro Jesucristo mũsare jipihtinare to cahĩa mehne noano yoajaro. ãta yoajaro.]

Paulo Cohamacũre ño payoro joa batoara

25-27 Mari pũhtoro Jesucristo ya buhea mehne noaa buhea mehne Cohamacũ mũsare tirore wacũ tua namochũ yoa masina. Panopũre tí buhea noaa buhea ne masare yahuerari buhea jimaha. Mipũre Cohamacũ yare yahu mahtaina cjiri ti joari cjiri mehne tí buheare yahua jira. Yuhũ cãhũ tíreta buheja. Tí buheare Cohamacũ ã jirucuriro to yahu site dutiro seheta jipihtiro macainapũ mipũre masina. Tí buheare tirota yahu dutiha masa tirore yahti, ti wacũ tuahto cjihto sehe. ã jina tirore “Potocãta noariro, tuariro jira mũhũ”, ni wahche payojihna. Tiro cãirota Cohamacũ dihta noano masi pahñoriro jira. Jesucristo to yoadohoa mehne Cohamacũre ã ño payorucujihna mari. ãta yoarucujihna.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022

1f3a4366-edba-553b-a17f-bc47c9049c98